

कृष्ण यजुर्वेदीय तैत्तिरीय संहिता, पद, जटा, घन पाठः

5.7 पञ्चमकाण्डे सप्तमः प्रश्नः-उपानुवाक्यावशिष्टकर्मनिरूपणं

Contents

1	TS 5.7.1.1	6
2	TS 5.7.1.2	7
3	TS 5.7.1.3	7
4	TS 5.7.2.1	8
5	TS 5.7.2.2	9
6	TS 5.7.2.3	10
7	TS 5.7.2.4	11
8	TS 5.7.2.5	12
9	TS 5.7.3.1	13
10	TS 5.7.3.2	14
11	TS 5.7.3.3	15
12	TS 5.7.3.4	16
13	TS 5.7.4.1	16

14	TS 5.7.4.2	17
15	TS 5.7.4.3	18
16	TS 5.7.4.4	19
17	TS 5.7.5.1	20
18	TS 5.7.5.2	21
19	TS 5.7.5.3	22
20	TS 5.7.5.4	22
21	TS 5.7.5.5	23
22	TS 5.7.5.6	24
23	TS 5.7.5.7	25
24	TS 5.7.6.1	26
25	TS 5.7.6.2	26
26	TS 5.7.6.3	27
27	TS 5.7.6.4	28

28	TS 5.7.6.5	29
29	TS 5.7.6.6	30
30	TS 5.7.7.1	31
31	TS 5.7.7.2	32
32	TS 5.7.7.3	33
33	TS 5.7.8.1	34
34	TS 5.7.8.2	34
35	TS 5.7.8.3	35
36	TS 5.7.9.1	36
37	TS 5.7.9.2	37
38	TS 5.7.9.3	38
39	TS 5.7.9.4	39
40	TS 5.7.10.1	40
41	TS 5.7.10.2	41

42	TS 5.7.10.3	42
43	TS 5.7.11.1	42
44	TS 5.7.12.1	43
45	TS 5.7.13.1	44
46	TS 5.7.14.1	45
47	TS 5.7.15.1	45
48	TS 5.7.16.1	46
49	TS 5.7.17.1	47
50	TS 5.7.18.1	47
51	TS 5.7.19.1	48
52	TS 5.7.20.1	49
53	TS 5.7.21.1	50
54	TS 5.7.22.1	50
55	TS 5.7.23.1	51

56	TS 5.7.24.1	52
57	TS 5.7.25.1	53
58	TS 5.7.26.1	53

1 TS 5.7.1.1

TS 5.7.1.1

Samhita Paata

यो वा अयथादेवतमग्निं चिनुत आ देवताभ्यो वृश्च्यते पापीयान् भवति यो यथादेवतं न देवताभ्य
आ वृश्च्यते वसीयान् भवत्याग्नेय्या गायत्रिया प्रथमां चितिमभि मृशेत् त्रिष्टुभां द्वितीयां जगत्या
तृतीयामनुष्टुभां चतुर्थीं पङ्क्त्या पञ्चमीं यथादेवतमेवाग्निं चिनुते न देवताभ्य आ वृश्च्यते वसीयान्
भवतीडांयै वा एषा विभक्तिः पशव इडां पशुभिरेनं - []

Pada Paata

यः । वै । अयथादेवतमित्ययथा-देवतम् । अग्निम् । चिनुते । एति । देवताभ्यः । वृश्च्यते ।
पापीयान् । भवति । यः । यथादेवतमिति यथा - देवतम् । न । देवताभ्यः । एति । वृश्च्यते
। वसीयान् । भवति । आग्नेय्या । गायत्रिया । प्रथमाम् । चितिम् । अभीतिम् । मृशेत् ।
त्रिष्टुभाः । द्वितीयाम् । जगत्या । तृतीयाम् । अनुष्टुभेत्यनु - स्तुभा । चतुर्थीम् । पङ्क्त्या ।
पञ्चमीम् । यथादेवतमिति यथा - देवतम् । एव । अग्निम् । चिनुते । न । देवताभ्यः । एति
। वृश्च्यते । वसीयान् । भवति । इडांयै । वै । एषा । विभक्तिरिति वि - भक्तिः । पशवः
। इडां । पशुभिरिति पशु-भिः । एनम् ।

2 TS 5.7.1.2

TS 5.7.1.2

Samhita Paata

-चिनुते यो वै प्रजापतये प्रति प्रोच्याग्निं चिनोति नाऽऽर्तिमाच्छत्यश्वावभितंस्तिष्ठेतां कृष्ण उत्तरतः
श्वेतो दक्षिणस्तावालभ्येष्टका उप दद्ध्यादेतद्वै प्रजापते रूपं प्राजापत्योऽश्वः साक्षादेव प्रजापतये
प्रतिप्रोच्याग्निं चिनोति नाऽऽर्तिमाच्छत्येतद्वा अहो रूपं यच्छ्वेतोऽश्वो रात्रियै कृष्ण एतदहो - []

Pada Paata

चिनुते । यः । वै । प्रजापतय इति प्रजा - पतये । प्रतिप्रोच्येति प्रति - प्रोच्य । अग्निम्
। चिनोति । न । आर्तिम् । एति । ऋच्छति । अश्वौ । अभितः । तिष्ठेताम् । कृष्णः
। उत्तरत इत्युत् - तरतः । श्वेतः । दक्षिणः । तौ । आलभ्येत्या - लभ्य । इष्टकाः ।
उपेति । दद्ध्यात् । एतत् । वै । प्रजापतेरिति प्रजा - पतेः । रूपम् । प्राजापत्य इति
प्राजा - पत्यः । अश्वः । साक्षादिति स - अक्षात् । एव । प्रजापतय इति प्रजा - पत-
ये । प्रतिप्रोच्येति प्रति - प्रोच्य । अग्निम् । चिनोति । न । आर्तिम् । एति । ऋच्छति
। एतत् । वै । अहः । रूपम् । यत् । श्वेतः । अश्वः । रात्रियै । कृष्णः । एतत् । अहः ।

3 TS 5.7.1.3

TS 5.7.1.3

Samhita Paata

रूपं॑ य॒दिष्ट॑का॒ रात्रि॑यै॒ पुरी॑षमिष्ट॑का॒ उप॒धा॒स्यञ्छे॑त॒मश्व॑म॒भि मृ॑शेत्॒ पुरी॑षमुप॒धा॒स्यन् कृ॑ष्णम॒होरा॒त्रा-
भ्या॑मे॒वैनं॑ चिनुते॒ हिर॑ण्य पा॒त्रं म॒धोः॑ पूर्णं॑ द॒दाति॑ म॒ध्व्यो ऽसा॒नीति॑ सौ॒र्या चि॒त्रव॑त्याऽवै॒क्षते॑ चि॒त्रमे॒व
भ॑वति॒ म॒द्ध्यन्दि॑नेऽश्व॒मव॑ घ्रापयत्य॒सौ वा आ॑दित्य॒ इन्द्र॑ ए॒ष प्र॒जाप॑तिः॒ प्राजा॑पत्योऽश्व॒स्तमे॒व सा॒क्षा-
दृ॑द्धोति ॥

Pada Paata

रूपम् । यत् । इष्टकाः । रात्रियै । पुरीषम् । इष्टकाः । उप॒धा॒स्यन्नित्यु॑प - धा॒स्यन् ।
श्वेतम् । अश्वम् । अभीति । मृशेत् । पुरीषम् । उप॒धा॒स्यन्नित्यु॑प - धा॒स्यन् । कृष्णम् ।
अ॒होरा॒त्राभ्या॑मित्य॒हः - रा॒त्राभ्या॑म् । ए॒व । ए॒नम् । चिनु॑ते । हिर॑ण्यपा॒त्रमि॑ति॒ हिर॑ण्य-पा॒त्रम् ।
म॒धोः॑ । पूर्णम् । द॒दाति॑ । म॒ध्व्यः॑ । अ॒सानि॑ । इति॑ । सौ॒र्या । चि॒त्रव॑त्येति॒ चि॒त्र-व॑त्या ।
अवे॑ति । ई॒क्षते॑ । चि॒त्रम् । ए॒व । भ॑वति । म॒द्ध्यन्दि॑ने । अश्वम् । अवे॑ति । घ्रा॒पय॑ति ।
अ॒सौ । वै । आ॒दित्यः॑ । इन्द्रः॑ । ए॒षः । प्र॒जाप॑तिरिति॒ प्र॒जा-प॑तिः । प्रा॒जाप॑त्य इति॒ प्राजा॑ -
प॒त्यः । अश्वः॑ । तम् । ए॒व । सा॒क्षादि॑ति॒ स - अ॒क्षात् । ऋ॒द्धोति॑ ॥

4 TS 5.7.2.1

TS 5.7.2.1

Samhita Paata

त्वाम॑ग्रे वृष॒भं चेकि॑तानं पु॒नर्यु॑वानं ज॒नय॑न्नुपागां॑ । अ॒स्थूरि॑ णो॒ गारू॑ह॒पत्या॑नि सन्तु ति॒ग्मेन॑ नो॒ ब्र-

ह्र॑णा स॒ शि॑शाधि ॥ प॒शवो॑ वा ए॒ते यदिष्ट॑काश्चित्यां॑ चित्यामृष॑भमुप॑ दधाति मिथुनमे॒वास्य॑ तद्-य॒ज्ञे
क॑रोति प्र॒जन॑नाय॒ तस्मा॑द्-यू॒थेयू॑थ ऋष॑भः ॥ स॒व॒त्स॒रस्य॑ प्रतिमां॑ यां त्वा॑ रात्र्युपास॑ते । प्र॒जाः
सु॒वीरां॑ कृ॒त्वा वि॒श्वमायु॑र्व्यश्नवत् ॥ प्रा॒जाप॒त्या - []

Pada Paata

त्वाम् । अ॒ग्ने । वृ॒षभम् । चेकि॑तानम् । पुनः॑ । युवा॑नम् । ज॒नय॑न्न । उ॒पागा॑मित्युप॒ आगा॑म्
॥ अ॒स्थुरि॑ । नः । गा॒र॒ह॑पत्यानीति॑ गा॒र॒ह॑ - प॒त्यानि॑ । स॒न्तु । ति॒ग्मेन॑ । नः । ब्रह्म॑णा ।
समि॑ति । शि॒शाधि॑ ॥ प॒शवः॑ । वै । ए॒ते । यत् । इष्ट॑काः । चित्या॑चि॒त्यामि॑ति चित्यां॑ -
चि॒त्याम् । ऋष॑भम् । उपे॑ति । दु॒धाति॑ । मिथु॑नम् । ए॒व । अ॒स्य । तत् । य॒ज्ञे । क॑रोति ।
प्र॒जन॑नायेति॑ प्र - ज॒न॑नाय । तस्मा॑त् । यू॒थेयू॑थ इति॑ यू॒थे - यू॒थे । ऋष॑भः ॥ स॒व॒त्स॒रस्येति॑ सं
- व॒त्स॒रस्य॑ । प्र॒तिमा॑मिति॑ प्रति॑ - माम् । याम् । त्वा॑ । रा॒त्रि । उ॒पास॑त॒ इत्यु॑प - आस॑ते ॥
प्र॒जामि॑ति॑ प्र- जा॒म् । सु॒वीरा॑मिति॑ सु - वीरा॑म् । कृ॒त्वा । वि॒श्वम् । आ॒युः । वी॑ति । अ॒श्नव॑त्
॥ प्रा॒जाप॒त्यामि॑ति॑ प्रा॒जा - प॒त्याम् ।

5 TS 5.7.2.2

TS 5.7.2.2

Samhita Paata

-मे॒तामुप॑ दधाती॒यं वा॑ वैषैका॑ष्टका॒ यदे॒वैका॑ष्टकाया॒मन्नं॑ क्रियते॒ तदे॒वैतया॑व॒ रुन्ध॑ ए॒षा वै प्र॒जाप॑तेः
काम॒दुघा॑ तयै॒व यज॑मानोऽमुष्मिन्॒ लो॒केऽग्निं॑ दु॒हे येन॑ दे॒वा ज्योति॑षो॒र्द्धा उ॒दाय॑न् येना॑ऽऽदि॒त्या वस॑वो

येन॑ रु॒द्राः । येनाङ्गिर॑सो म॒हि॒मानं॑-मान॒शुस्तेनै॑तु यज॑मानः स्व॒स्ति ॥ सुव॑र्गाय॒ वा ए॒ष लो॒काय॑ - []

Pada Paata

ए॒ताम् । उ॒पेति॑ । दु॒धा॒ति । इ॒यम् । वा॒व । ए॒षा । ए॒का॒ष्ट॒के॒त्ये॒क - अ॒ष्ट॒का । यत् । ए॒व ।
 ए॒का॒ष्ट॒का॒या॒मित्ये॑क - अ॒ष्ट॒का॒या॑म् । अ॒न्नम् । क्रि॒यते॑ । तत् । ए॒व । ए॒तया॑ । अ॒वेति॑ । रु॒न्धे
 । ए॒षा । वै । प्र॒जाप॑तेरि॒ति प्र॒जा - प॒तेः । का॒म॒दु॒धेति॑ काम - दु॒घा । तया॑ । ए॒व । यज॑मानः ।
 अ॒मुष्मि॑न् । लो॒के । अ॒ग्निम् । दु॒हे । येन॑ । दे॒वाः । ज्योति॑षा । ऊ॒र्ध्वाः । उ॒दा॒य॒न्नित्यु॑त् -
 आ॒यन् । येन॑ । आ॒दि॒त्याः । वस॑वः । येन॑ । रु॒द्राः ॥ येन॑ । अ॒ङ्गिर॑सः । म॒हि॒मान॑म् । आ॒-
 न॒शुः । तेन॑ । ए॒तु । यज॑मानः । स्व॒स्ति ॥ सुव॑र्गायेति॑ सुवः - गा॒य । वै । ए॒षः । लो॒काय॑ ।

6 TS 5.7.2.3

TS 5.7.2.3

Samhita Paata

ची॒यते॒ यद॒ग्निर्येन॑ दे॒वा ज्योति॑षो॒र्द्धा उ॒दा॒य॒न्नित्यु॑ख्यः॒ समि॑न्ध॒ इष्ट॑का ए॒वैता॑ उ॒प ध॑त्ते वा॒नस्प॑त्याः
 सु॒व॒र्गस्य॑ लो॒कस्य॑ स॒मष्ट्यै॑ श॒तायु॑धाय श॒तवी॑र्याय श॒तोत॑ये ऽभि॒माति॑षाहे । श॒तं यो नः॑ श॒रदो॑
 अजी॑तानिन्द्रो नेष॑दति॒ दुरि॑तानि॒ विश्वा॑ ॥ ये च॒त्वारः॑ प॒थयो॑ दे॒व्याना॑ अ॒न्तरा॑ द्यावा॑पृथि॒वी वि॒यन्ति॑
 ।तेषां॑ यो अ॒ज्यानि॑- मजी॑ति-मा॒वहा॑त् तस्मै॑ नो दे॒वाः - []

Pada Paata

ची॒य॒ते । यत् । अ॒ग्निः । येन॑ । दे॒वाः । ज्योति॑षा । उ॒र्ध्वाः । उ॒दा॒य॒न्नि॒त्यु॒त्-आ॒य॒न् । इति॑
 । उ॒ख्य॑म् । स॒मि॒ति॑ । इ॒न्धे । इ॒ष्ट॒काः । ए॒व । ए॒ताः । उ॒पे॒ति॑ । ध॒त्ते । वा॒न॒स्प॒त्याः ।
 सु॒व॒र्ग॒स्ये॒ति॑ सु॒वः - ग॒स्य॑ । लो॒क॒स्य॑ । स॒म॒ष्ट्या॒ इति॑ सं - अ॒ष्ट्यै । श॒तायु॑धा॒येति॑ श॒त - आ॒यु॒धाय॑
 । श॒तवी॑र्या॒येति॑ श॒त - वी॒र्या॑य । श॒तो॒त॒य॒ इति॑ श॒त - ऊ॒त॒ये । अ॒भि॒मा॒ति॒षाह॑ इत्य॑भि॒मा॒ति -
 सा॒हे ॥ श॒तम् । यः । नः । श॒र॒दः । अ॒जी॒तान् । इ॒न्द्रः । ने॒ष॒त् । अ॒ती॒ति॑ । दु॒रि॒ता॒नी॒ति॑
 दुः - इ॒तानि॑ । वि॒श्वो॑ ॥ ये । च॒त्वारः॑ । प॒थ॒यः । दे॒व॒या॒ना॒ इति॑ दे॒व - या॒नाः॑ । अ॒न्त॒रा ।
 द्या॒वा॒पृ॒थि॒वी इति॑ द्या॒वा - पृ॒थि॒वी । वि॒य॒न्ती॒ति॑ वि - य॒न्ति॑ ॥ ते॒षा॑म् । यः । अ॒ज्या॑निम् ।
 अ॒जी॒ति॒म् । आ॒व॒हा॒दि॒त्या॑ - व॒हो॑त् । तस्मै॑ । नः । दे॒वाः ।

7 TS 5.7.2.4

TS 5.7.2.4

Samhita Paata

परि॑ दत्ते॒ह स॒र्वे ॥ ग्री॒ष्मो हे॒म॒न्त उ॒त नो॑ व॒स॒न्तः श॒र॒द् व॒रू॒षाः सु॒वि॒त॒न्नो अ॒स्तु । ते॒षा॑मृ॒तूना॑ः श॒त
 श॒र॒दा॒नां नि॒वा॒त ए॒षा॒म॒भ॒ये स्या॒म ॥ इ॒दु॒व॒त्स॒राय॑ परि॒व॒त्स॒राय॑ सं॒व॒त्स॒राय॑ कृ॒णु॒ता बृ॒ह॒न्न॒मः । ते॒षा॑
 व॒यः सु॒म॒तौ य॒ज्ञि॒या॒नां ज्यो॒ग॒जी॒ता अ॒ह॒ताः स्या॒म ॥ भ॒द्रा॒न्नः श्रे॒यः स॒म॒नै॒ष्ट दे॒वा॒स्त्व॒याऽव॒से॒न
 स॒म॒शी॒म॒हि त्वा । स नो॑ म॒यो भूः पि॒तो - []

Pada Paata

प॒री॒ति॑ । द॒त्त । इ॒ह । स॒र्वे ॥ ग्री॒ष्मः । हे॒म॒न्तः । उ॒त । नः । व॒स॒न्तः । श॒र॒त् । व॒रू॒षाः ।

सु॒वि॒तम् । नः । अ॒स्तु ॥ ते॒षा॑म् । ऋ॒तूना॑म् । श॒तशार्दाना॑मि॒तिं श॒त - शार्दाना॑म् । नि॒वा॒त
इति॑ नि - वा॒ते । ए॒षाम् । अ॒भये॑ । स्या॒म् ॥ इ॒दुव॒त्स॒रायेती॑दु - व॒त्स॒राय॑ । प॒रिव॒त्स॒रायेति॑
परि - व॒त्स॒राय॑ । स॒व॒त्स॒रायेति॑ सं - व॒त्स॒राय॑ । कृ॒णु॒त । बृ॒हत् । नमः॑ ॥ ते॒षा॑म् । व॒यम् ।
सु॒म॒तावि॑ति॒ सु - म॒तौ । य॒ज्ञिया॑नाम् । ज्योक् । अ॒र्जीताः । अ॒हंताः । स्या॒म् ॥ भ॒द्रात् ।
नः । श्रेयः॑ । स॒मि॒तिं । अ॒नैष्ट॑ । दे॒वाः । त्वया॑ । अ॒व॒सेन॑ । स॒मि॒तिं । अ॒शीम॑हि । त्वा
॥ सः । नः । म॒यो॒भूरि॑ति॒ मयः॑-भूः । पि॒तो इति॑ ।

8 TS 5.7.2.5

TS 5.7.2.5

Samhita Paata

आ वि॑शस्व॒ शं तो॒काय॑ त॒नुवै॑ स्यो॒नः ॥ अ॒ज्या॑नीरे॒ता उप॑ दधात्ये॒ता वै दे॒वता॑ अप॑राजिता॒स्ता ए॒व
प्र वि॑शति॒ नैव जी॑यते ब्रह्म॒वादि॑नो वदन्ति॒ यद॑र्द्धमा॒सा मासा॑ ऋ॒तवः॑ स॒व॒त्स॒र ओष॑धीः प॒च॒न्त्यथ॑
कस्मा॑दु॒न्याभ्यो॑ दे॒वता॑भ्य आग्र॒यणं॑ निरु॒प्यत॑ इत्ये॒ता हि तद्-दे॒वता॑ उ॒दज॑यन् यद्द॒तुभ्यो॑ निर्व॒पेद् दे॒व-
ता॑भ्यः स॒मदं॑ द॒द्यादा॑ग्र॒यणं॑ () निरु॒प्ये॒ता आहु॑ती जु॒होत्य॑र्द्धमा॒साने॒व मासा॑नृ॒तून्थ स॒व॒त्स॒रं प्री॑णाति
न दे॒वता॑भ्यः स॒मदं॑ दधाति भ॒द्रान्नः॑ श्रेयः॑ स॒मनैष्ट॑ दे॒वा इत्या॑ह हु॒ताद्या॑य यज॑मान॒स्याऽप॑राभावाय ॥

Pada Paata

एति॑ । वि॒शस्व॒ । शम् । तो॒काय॑ । त॒नुवै॑ । स्यो॒नः ॥ अ॒ज्या॑नीः । ए॒ताः । उपे॑ति॒ ।
द॒धाति॑ । ए॒ताः । वै । दे॒वताः॑ । अप॑राजिता॒ इत्य॑प॒रा - जि॒ताः । ताः । ए॒व । प्रे॑ति॒ ।

वि॒श्रुति॑ । न । ए॒व । जी॒यते॑ । ब्र॒ह्मवा॒दिन॑ इति॑ ब्रह्म - वा॒दिनः॑ । वृ॒दन्ति॑ । यत् । अ॒र्धमा॒सा
 इत्य॑र्ध - मा॒साः । मा॒साः । ऋ॒तवः॑ । सँव॒त्सर॑ इति॑ सं - व॒त्सरः॑ । ओष॑धीः । पच॑न्ति
 । अथ॑ । कस्मा॑त् । अ॒न्याभ्यः॑ । दे॒वता॑भ्यः । आ॒ग्रय॑णम् । निरि॑ति । उ॒प्यते॑ । इति॑ ।
 ए॒ताः । हि । तत् । दे॒वताः॑ । उ॒दज॑यन्नित्यु॒त् - अज॑यन् । यत् । ऋ॒तुभ्य॑ इत्यु॒त्-भ्यः॑ ।
 निर्व॑पेदिति॑ निः - वपे॑त् । दे॒वता॑भ्यः । सु॒मद॑मिति॑ स - मद॑म् । दु॒द्व्यात् । आ॒ग्रय॑णम् ()
 । निरु॑प्येति॑ निः - उप्य॑ । ए॒ताः । आहु॑तीरित्या- हु॒तीः । जुहो॑ति । अ॒र्धमा॒सानित्य॑र्ध
 - मा॒सान् । ए॒व । मा॒सान् । ऋ॒तून् । सँव॒त्सरमि॑ति॑ सं - व॒त्सरम् । प्री॑णाति॑ । न ।
 दे॒वता॑भ्यः । सु॒मद॑मिति॑ स - मद॑म् । दु॒धाति॑ । भ॒द्रात् । नः । श्रेयः॑ । समि॑ति । अ॒नैष्ट॑ । दे॒-
 वाः । इति॑ । आ॒ह । हु॒ताद्याये॑ति॑ हुत - अद्या॑य । यज॑मानस्य । अप॑राभावायेत्यप॑रा - भा॒वाय॑ ॥

9 TS 5.7.3.1

TS 5.7.3.1

Samhita Paata

इन्द्र॑स्य॒ वज्रो॑ऽसि॒ वार्त्र॑घ्नस्तनूपा नः॑ प्रतिस्प॒शः । यो नः॑ पु॒रस्ता॑द् दक्षिण॒तः प॒श्चा-दु॑त्तर॒तो-
 ऽघा॒युरभि॑दास॒त्येत॑ः सोऽश्मा॑नमृच्छतु ॥ दे॒वा॒सुराः॑ सँय॑त्ता आस॒न् तेऽसु॑रा दिग्भ्य॒ आऽबा॑धन्त
 तान् दे॒वा इ॒ष्वा च॑ वज्रे॑ण चापा॑नुदन्त॒ यद्-व॒ज्रिणी॑रुप॒दधा॑तीष्वा॒ चैव॑ तद्-वज्रे॑ण च॒ यज॑मानो॒ भ्रातृ॑-
 व्या॒नप॑ नुदते दि॒क्षूप॑ - []

Pada Paata

इन्द्र॑स्य । वज्रः॑ । अ॒सि । वार्त्र॑घ्न इति॑ वार्त्र - घ्नः॑ । त॒नूपा॑ इति॑ तनू - पाः॑ । नः॑ ।

प्रतिस्पृश इति प्रति - स्पृशः ॥ यः । नः । पुरस्तात् । दक्षिणतः । पश्चात् । उत्तरत इत्युत्
 - तरतः । अघायुरित्यघ - युः । अभिदासतीत्यभि - दासति । एतम् । सः । अश्मानम्
 । ऋच्छतु ॥ देवासुरा इति देव - असुराः । संयत्ता इति सं - यत्ताः । आसन्न । ते ।
 असुराः । दिग्भ्य इति दिक्-भ्यः । एति । अबाधन्त । तान् । देवाः । इष्वा । च ।
 वज्रेण । च । अपेति । अनुदन्त । यत् । वज्रिणीः । उपदधातीत्युप-दधाति । इष्वा ।
 च । एव । तत् । वज्रेण । च । यजमानः । भ्रातृव्यान् । अपेति । नुदते । दिक्षु । उपेति ।

10 TS 5.7.3.2

TS 5.7.3.2

Samhita Paata

दधाति देवपुरा एवैतास्तनूपानीः पर्यहते ऽग्नाविष्णू सजोषसेमा वद्धन्तु वागिरः । द्युमैर्वाजेभिरा
 गतं ॥ ब्रह्मवादिनो वदन्ति यन्न देवतायै जुह्वत्यथ किं देवत्या वसोद्धरित्यग्निर्वसुस्तस्यैषा धा-
 रा विष्णुर्वसुस्तस्यैषा धारा ऽऽग्नावैष्णव्यर्चा वसोद्धारा जुहोति भाग्धेयेनैवैनौ समर्द्धयत्यथो एता- []

Pada Paata

दधाति । देवपुरा इति देव - पुराः । एव । एताः । तनूपानीरिति तनू - पानीः । परीति ।
 ऊहते । अग्नाविष्णू इत्यग्ना - विष्णू । सजोषसेति स - जोषसा । इमाः । वद्धन्तु । वाम्
 । गिरः ॥ द्युमैः । वाजेभिः । एति । गतम् ॥ ब्रह्मवादिन इति ब्रह्म - वादिनः । वदन्ति
 । यत् । न । देवतायै । जुह्वति । अथ । किं देवत्येति किं - देवत्या । वसोः । धारा ।

इति॑ । अ॒ग्निः । वसुः॑ । तस्य॑ । ए॒षा । धारा॑ । विष्णुः॑ । वसुः॑ । तस्य॑ । ए॒षा । धारा॑
 । आ॒ग्नावैष्ण॑व्येत्या॒ग्ना - वैष्ण॑व्या । ऋ॒चा । वसोः॑ । धारा॑म् । जु॒होति॑ । भा॒ग॒धेये॑नेति॑ भाग -
 धेये॑न । ए॒व । ए॒नौ । समि॑ति । अ॒र्ध॒यति॑ । अथो॑ इति॑ । ए॒ताम् ।

11 TS 5.7.3.3

TS 5.7.3.3

Samhita Paata

-मे॒वाहु॑तिमा॒यत॑नवतीं॑ करोति॑ यत्का॑म ए॒नां जु॒होति॑ तदे॒वाव॑ रु॒न्धे रु॒द्रो वा ए॒ष यद॑ग्निस्तस्यै॒ते त॒नु॒वौ
 घो॒राऽन्या॑ शि॒वाऽन्या॑ यच्छ॑तरु॒द्रीयं॑ जु॒होति॑ यै॒वास्य॑ घो॒रा त॒नूस्तां॑ तेन॑ शमयति॑ यद्-वसो॑र्द्धा॒रां
 जु॒होति॑ यै॒वास्य॑ शि॒वा त॒नूस्तां॑ तेन॑ प्रीणाति॑ यो वै वसो॑र्द्धा॒रायै॑ - []

Pada Paata

ए॒व । आ॒हु॒ति॒मि॒त्या - हु॒ति॒म् । आ॒य॒त॑नवती॒मि॒त्या॒य॒त॑न - व॒ती॒म् । क॒रो॒ति॑ । यत्का॑म॒ इति॑
 यत् - का॑मः । ए॒ना॒म् । जु॒होति॑ । तत् । ए॒व । अ॒वेति॑ । रु॒न्धे । रु॒द्रः । वै । ए॒षः ।
 यत् । अ॒ग्निः । तस्य॑ । ए॒ते इति॑ । त॒नु॒वौ । घो॒रा । अ॒न्या । शि॒वा । अ॒न्या । यत् ।
 श॒त॒रु॒द्रीय॑मिति॑ शत-रु॒द्रीय॑म् । जु॒होति॑ । या । ए॒व । अ॒स्य॑ । घो॒रा । त॒नूः । ता॒म् । तेन॑
 । श॒म॒यति॑ । यत् । वसोः॑ । धारा॑म् । जु॒होति॑ । या । ए॒व । अ॒स्य॑ । शि॒वा । त॒नूः ।
 ता॒म् । तेन॑ । प्री॒णा॒ति॑ । यः । वै । वसोः॑ । धारा॑यै ।

12 TS 5.7.3.4

TS 5.7.3.4

Samhita Paata

प्रतिष्ठां वेदु प्रत्येव तिष्ठति यदाज्यमुच्छिष्येत तस्मिन् ब्रह्मौदनं पचेत् तं ब्राह्मणाश्चत्वारः प्राश्नीयुरेष
वा अग्निर्वैश्वानरो यद्ब्राह्मण एषा खलु वा अग्नेः प्रिया तनूर्यद्वैश्वानरः प्रियायामेवैनानां तनुवां प्रति
ष्ठापयति चतस्रो धेनूर्दद्यात् ताभिरेव यजमानोऽमुष्मिन् लोकेऽग्निं दुहे ॥

Pada Paata

प्रतिष्ठामिति प्रति - स्थाम् । वेदं । प्रतीतिं । एव । तिष्ठति । यत् । आज्यम् । उच्छिष्येतेत्युत् -
शिष्येत । तस्मिन् । ब्रह्मौदनमिति ब्रह्म - ओदनम् । पचेत् । तम् । ब्राह्मणाः । चत्वारः । प्रेतिं
। अश्नीयुः । एषः । वै । अग्निः । वैश्वानरः । यत् । ब्राह्मणः । एषा । खलु । वै । अग्नेः ।
प्रिया । तनूः । यत् । वैश्वानरः । प्रियायाम् । एव । एनाम् । तनुवाम् । प्रतीतिं । स्थापयति ।
चतस्रः । धेनूः । दद्यात् । ताभिः । एव । यजमानः । अमुष्मिन् । लोके । अग्निम् । दुहे ॥

13 TS 5.7.4.1

TS 5.7.4.1

Samhita Paata

चित्तिं जुहोमि मनसा घृतेनेत्याहादाभ्या वै नामैषाऽऽहुतिर्वैश्वकर्मणी नैनं चिक्यानं भ्रातृव्यो दध्नो-
त्यथो देवता एवाव रुन्धे ऽग्ने तमद्येति पृङ्ग्या जुहोति पृङ्ग्याऽऽहुत्या यज्ञमुखमा रभते सप्त ते अग्ने
समिधः सप्तजिह्वा इत्याह होत्रा एवाव रुन्धे ऽग्निदेवेभ्योऽपक्रामद्-भागधेयं - []

Pada Paata

चित्तिम् । जुहोमि । मनसा । घृतेन । इति । आह । अदाभ्या । वै । नाम । एषा ।
आहुतिरित्या-हुतिः । वैश्वकर्मणीति वैश्व - कर्मणी । न । एनम् । चिक्यानम् । भ्रातृव्यः ।
दध्नोति । अथो इति । देवताः । एव । अवेति । रुन्धे । अग्ने । तम् । अद्य । इति ।
पृङ्ग्या । जुहोति । पृङ्ग्या । आहुत्येत्या - हुत्या । यज्ञमुखमिति यज्ञ - मुखम् । एति । रभते
। सप्त । ते । अग्ने । समिध इति सं - इधः । सप्त । जिह्वाः । इति । आह । होत्राः ।
एव । अवेति । रुन्धे । अग्निः । देवेभ्यः । अपेति । अक्रामत् । भागधेयमिति भाग - धेयम् ।

14 TS 5.7.4.2

TS 5.7.4.2

Samhita Paata

-मिच्छमानस्तस्मा एतद्-भागधेयं प्रायच्छन्नेतद्वा अग्नेरग्निहोत्रमेतरहि खलु वा एष जातो यरहि
सर्वश्चितो जातायैवास्मा अन्नमपि दधाति स एनं प्रीतः प्रीणाति वसीयान् भवति ब्रह्मवादिनो व-
दन्ति यदेष गारहपत्यश्चीयतेऽथ कस्याऽऽहवनीय इत्यसावादित्य इति ब्रूयादेतस्मिन् हि सर्वाभ्यो
देवताभ्यो जुहति - []

Pada Paata

इच्छ॑मानः । तस्मै॑ । ए॒तत् । भा॒ग॒धेय॑मिति॑ भा॒ग - धेय॑म् । प्रेति॑ । अ॒यच्छ॑न् । ए॒तत् । वै ।
 अ॒ग्नेः । अ॒ग्नि॒होत्र॑मित्य॑ग्नि - हो॒त्रम् । ए॒तर॑हि॒ । खलु॑ । वै । ए॒षः । जा॒तः । यर॑हि॒ । सर्वः॑
 । चि॒तः । जा॒ताय॑ । ए॒व । अ॒स्मै । अ॒न्नम् । अ॒पीति॑ । द॒धाति॑ । सः । ए॒नम् । प्री॒तः
 । प्री॒णाति॑ । वसी॑यान् । भ॒वति॑ । ब्र॒ह्मवा॑दि॒न् इति॑ ब्र॒ह्म-वा॑दि॒नः । व॒दन्ति॑ । यत् । ए॒षः ।
 गा॒र॒ह॑प॒त्य इति॑ गा॒र॒ह॑-प॒त्यः । ची॒यते॑ । अथ॑ । क॒ । अ॒स्य । आ॒ह॒व॒नीय॑ इत्या॑ - ह॒व॒नीयः॑ ।
 इति॑ । अ॒सौ । आ॒दि॒त्यः । इति॑ । ब्रू॒यात् । ए॒तस्मि॑न् । हि । सर्वा॑भ्यः । दे॒वता॑भ्यः । जुह॑ति ।

15 TS 5.7.4.3**TS 5.7.4.3****Samhita Paata**

य एवं वि॒द्वान॒ग्निं चि॑नुते सा॒क्षादे॒व दे॒वतां ऋ॑द्धो॒त्यग्रे॑ य॒शस्वि॑न् य॒शसे॑ म॒मर्प॑येन्द्रा॒वती॑ म॒पचि॑ती
 मि॒हाऽऽव॑ह । अ॒यं मूर्धा॑ प॒रमे॑ष्ठी सु॒वर्चाः॑ स॒माना॑नामु॒त्तम॑ श्लो॒को अ॑स्तु ॥ भ॒द्रं प॑श्यन्त॒ उप॑ सेदु॒रग्रे॑
 तपो॑ दी॒क्षामृ॑षेयः सु॒वर्दि॑दः । ततः॑ क्ष॒त्रं ब॒लमो॑जंश्च जा॒तं तद॑स्मै दे॒वा अ॒भि सं न॑मन्तु ॥ धा॒ता
 वि॒धा॒ता प॑र॒मो - []

Pada Paata

यः । ए॒वम् । वि॒द्वान् । अ॒ग्निम् । चि॒नुते । सा॒क्षादि॑तिं स - अ॒क्षात् । ए॒व । दे॒वताः॑ ।
 ऋ॒द्धोति॑ । अ॒ग्रे । य॒शस्वि॑न् । य॒शसा॑ । इ॒मम् । अ॒र्पय॑ । इन्द्रा॑वतीमितीन्द्रं - व॒तीम् ।
 अप॑चितीमित्यपं - चि॒तीम् । इ॒ह । ए॒ति । व॒ह ॥ अ॒यम् । मू॒र्धा । प॒रमे॑ष्ठी । सु॒वर्चा॑ इति
 सु - वर्चाः॑ । स॒माना॑नाम् । उ॒त्तम॑श्लोक इत्यु॒त्तम - श्लो॒कः । अ॒स्तु ॥ भ॒द्रम् । प॒श्यन्तः॑ ।
 उपे॑ति । से॒दुः । अ॒ग्रे । तपः॑ । दी॒क्षाम् । ऋ॒षयः॑ । सु॒वर्वि॑दु इति सु॒वः - वि॒दः ॥ ततः॑
 । क्ष॒त्रम् । ब॒लम् । ओजः॑ । च॒ । जा॒तम् । तत् । अ॒स्मै । दे॒वाः । अ॒भि । स॒मिति॑ ।
 न॒मन्तु ॥ धा॒ता । वि॒धा॒तेति॑ वि - धा॒ता । प॒रमा॑ ।

16 TS 5.7.4.4

TS 5.7.4.4

Samhita Paata

-त स॒न्दक् प्र॒जाप॑तिः प॒रमे॑ष्ठी वि॒राजा॑ । स्तो॒माः छ॒न्दाश्॑सि नि॒विदो॑ म आ॒हुरे॒तस्मै॑ रा॒ष्ट्रम॑भि सं
 न॑माम ॥ अ॒भ्याव॑र्तद्धुमु॒प मे॑तं सा॒कम॑यः शा॒स्ताऽधि॑पतिर्वो अ॒स्तु । अ॒स्य वि॒ज्ञान॑मनु सः र॑भद्ध-
 मि॒मं प॒श्चादनु॑ जी॒वाथ॑ स॒र्वे ॥ रा॒ष्ट्रभृ॑त ए॒ता उप॑ दधात्येषा वा अ॒ग्रेश्चि॑ती रा॒ष्ट्रभृ॑त् तयै॒वास्मि॑न् रा॒ष्ट्रं
 द॑धाति () रा॒ष्ट्रमे॒व भ॑वति नास्मा॑द् रा॒ष्ट्रं भ्र॑शते ॥

Pada Paata

उ॒त । स॒दृङ्गि॑ति सं - द॒क् । प्र॒जाप॑तिरिति प्र॒जा - प॒तिः । प॒रमे॑ष्ठी । वि॒राजे॑ति वि - राजा॑ ॥
 स्तो॒माः । छ॒न्दाश्॑सि । नि॒विदु॑ इति नि - वि॒दः । मे॒ । आ॒हुः । ए॒तस्मै॑ । रा॒ष्ट्रम् । अ॒भि ।

समिति॑ । न॒मा॒म् ॥ अ॒भ्याव॑र्तद्ध॒मित्य॑भि - आव॑र्तद्धम् । उपेति॑ । मा॒ । एति॑ । इ॒त् । सा॒कम्
 । अ॒यम् । शा॒स्ता । अधि॑पतिरित्यधि॑ - प॒तिः । वः । अ॒स्तु ॥ अ॒स्य । वि॒ज्ञान॑मिति॑ वि -
 ज्ञान॑म् । अनु॑ । समिति॑ । र॒भ॒द्धम् । इ॒मम् । प॒श्चात् । अ॒न्विति॑ । जी॒वाथ॑ । सर्व॑ ॥ रा॒ष्ट्रभृ॑त्
 इति॑ रा॒ष्ट्र - भृ॑तः । ए॒ताः । उपेति॑ । दु॒धाति॑ । ए॒षा । वै । अ॒ग्नेः । चि॒तिः । रा॒ष्ट्रभृ॑दिति॑
 रा॒ष्ट्र - भृ॑त् । तया॑ । ए॒व । अ॒स्मिन् । रा॒ष्ट्रम् । दु॒धाति॑ () । रा॒ष्ट्रम् । ए॒व । भ॒वति॑ । न
 । अ॒स्मात् । रा॒ष्ट्रम् । भ्र॑शते ॥

17 TS 5.7.5.1

TS 5.7.5.1

Samhita Paata

यथा॑ वै पु॒त्रो जा॒तो म्रिय॑ते ए॒व वा ए॒ष म्रिय॑ते यस्या॒ग्निरु॑ख्यं उ॒द्वाय॑ति यन्नि॒र्मन्थ्यं॑ कुर्याद्-विच्छि॑न्धाद्-
 भ्रातृ॑व्यमस्मै ज॒नये॑त् स ए॒व पु॒नः प॒रीद्व्यः॑ स्वादे॒वेन॑ योने॒र्जन॑यति॒ नास्मै॑ भ्रातृ॑व्यं ज॒नय॑ति॒ तमो॑ वा
 ए॒तं गृ॑ह्णाति॒ यस्या॒ग्निरु॑ख्यं उ॒द्वाय॑ति मृ॒त्युस्त॑मः कृ॒ष्णं वा॑सः कृ॒ष्णा धे॒नुर्दक्षि॑णा॒ तम॑सै - []

Pada Paata

यथा॑ । वै । पु॒त्रः । जा॒तः । म्रि॒यते॑ । ए॒वम् । वै । ए॒षः । म्रि॒यते॑ । य॒स्य । अ॒ग्निः ।
 उ॒ख्यः । उ॒द्वाय॑तीयु॒त् - वा॑यति । यत् । नि॒र्मन्थ्य॑मिति॑ निः - म॒न्थ्यम् । कुर्या॑त् । वी॒ति ।
 छि॒न्धात् । भ्रातृ॑व्यम् । अ॒स्मै । ज॒नये॑त् । सः । ए॒व । पु॒नः । प॒रीद्व्यः॑ इति॑ परि॒-इद्व्यः॑ ।
 स्वा॑त् । ए॒व । ए॒नम् । यो॒नेः । ज॒नय॑ति । न । अ॒स्मै । भ्रातृ॑व्यम् । ज॒नय॑ति । तमः ।

वै । ए॒तम् । गृ॒ह्णा॒ति । य॒स्य॑ । अ॒ग्निः । उ॒ख्यः । उ॒द्वाय॑तीत्यु॒त् - वाय॑ति । मृ॒त्युः । त॒मः ।
। कृ॒ष्णम् । वा॒सः । कृ॒ष्णा । धे॒नुः । दक्षि॑णा । त॒म॒सा ।

18 TS 5.7.5.2

TS 5.7.5.2

Samhita Paata

-व त॒मो मृ॒त्युम॑प॒ ह॒ते हि॒र॑ण्यं द॒दा॒ति ज्यो॒तिर्वै हि॒र॑ण्यं ज्यो॒तिषै॒व त॒मोऽप॑ ह॒तेऽथो॑ तेजो॒ वै हि॒र॑ण्यं
तेज॑ ए॒वाऽऽ॒त्मन् ध॑त्ते सु॒व॒र्न घ॒र्मः स्वाहा॑ सु॒व॒र्नाऽर्कः॑ स्वाहा॑ सु॒व॒र्न शु॒क्रः स्वाहा॑ सु॒व॒र्न ज्यो॒तिः
स्वाहा॑ सु॒व॒र्न सूर्यः॑ स्वाहा॑ ऽर्को॒ वा ए॒ष यद॑ग्निर॒सावा॑दित्यौ - []

Pada Paata

ए॒व । त॒मः । मृ॒त्युम् । अ॒पे॒ति॑ । ह॒ते । हि॒र॑ण्यम् । द॒दा॒ति । ज्यो॒तिः । वै । हि॒र॑ण्यम् ।
ज्यो॒तिषा॑ । ए॒व । त॒मः । अ॒पे॒ति॑ । ह॒ते । अ॒थो इ॒ति॑ । तेजः॑ । वै । हि॒र॑ण्यम् । तेजः॑ ।
ए॒व । आ॒त्मन् । ध॑त्ते । सु॒व॒ः । न । घ॒र्मः । स्वाहा॑ । सु॒व॒ः । न । अ॒र्कः । स्वाहा॑ ।
सु॒व॒ः । न । शु॒क्रः । स्वाहा॑ । सु॒व॒ः । न । ज्यो॒तिः । स्वाहा॑ । सु॒व॒ः । न । सूर्यः॑ ।
स्वाहा॑ । अ॒र्कः । वै । ए॒षः । य॒त् । अ॒ग्निः । अ॒सौ । आ॒दि॒त्यः ।

19 TS 5.7.5.3

TS 5.7.5.3

Samhita Paata

ऽश्वमे॒धो यदे॒ता आहु॑ती जु॒होत्य॑र्का-श्वमे॒धयो॑रे॒व ज्योती॑ऽषि॒ सं द॑धात्येष॒ ह त्वा अ॑र्काश्वमे॒धी यस्यै॑-
तदु॒ग्रौ क्रि॒यत् आपो॑ वा इ॒दम॑ग्रे सल्लि॒लमा॑सी॒ध स ए॒तां प्र॒जाप॑तिः प्रथ॒मां चि॒तिम॑पश्यत् तामुपा॑धत्
तदियम॑भवत् तं वि॒श्वक॑र्माऽब्रवी॒दुप॒ त्वाऽऽया॑नीति॒ नेह॑ लो॒कोऽस्ती॑त्य॒ - []

Pada Paata

अ॒श्वमे॒ध इत्य॑श्व - मे॒धः । यत् । ए॒ताः । आहु॑तीरित्या - हु॒तीः । जु॒होति॑ । अ॒र्काश्वमे॒धयो॑-
रित्य॑र्क - अ॒श्वमे॒धयोः॑ । ए॒व । ज्योती॑ऽषि । समि॒ति । द॒धाति॑ । ए॒षः । ह । तु । वै ।
अ॒र्काश्वमे॒धीत्य॑र्क-अ॒श्वमे॒धी । यस्य॑ । ए॒तत् । अ॒ग्रौ । क्रि॒यते॑ । आपः॑ । वै । इ॒दम् । अ॒ग्रे
। सल्लि॒लम् । आ॒सीत् । सः । ए॒ताम् । प्र॒जाप॑तिरिति॒ प्र॒जा - प॒तिः । प्रथ॒माम् । चि॒तिम् ।
अ॒पश्य॑त् । ताम् । उपे॒ति । अ॒धत् । तत् । इ॒यम् । अ॒भव॑त् । तम् । वि॒श्वक॑र्मेति॒ विश्व॑ - क॒-
र्मा । अ॒ब्रवी॑त् । उपे॒ति । त्वा॒ । ए॒ति । अ॒या॒नि । इति॑ । न । इ॒ह । लो॒कः । अ॒स्ति । इति॑ ।

20 TS 5.7.5.4

TS 5.7.5.4

Samhita Paata

-ब्रवी॒थ॒ स॒ ए॒तां॑ द्वितीयां॑ चि॒ति॒म॒प॒श्य॒त् तामु॒पा॒धत्त॑ तद॒न्त॒रि॒क्ष॒म॒भ॒व॒त् स॒ य॒ज्ञः॑ प्र॒जाप॑तिमब्रवी॒दुप॑
त्वाऽऽया॒नीति॑ नेह लो॒कोऽस्तीत्य॑ब्रवी॒थ॒ स॒ वि॒श्वक॑र्माण-मब्रवी॒दुप॑ त्वाऽऽया॒नीति॑ केन॑ मो॒पैष्य॑सीति॒
दि॒श्या॒भि॒रि॒त्य॑ब्रवी॒त् तं दि॒श्या॒भि॒रु॒पैत् ता उ॒पा॒धत्त॑ ता दि॒शो - []

Pada Paata

अ॒ब्रवी॒त् । सः । ए॒ताम् । द्वितीया॑म् । चि॒ति॒म् । अ॒प॒श्य॒त् । ताम् । उ॒पेति॑ । अ॒ध॒त्त॑ । तत्
। अ॒न्त॒रि॒क्ष॒म् । अ॒भ॒व॒त् । सः । य॒ज्ञः । प्र॒जाप॑तिमिति॒ प्र॒जा - प॒ति॒म् । अ॒ब्रवी॒त् । उ॒पेति॑
। त्वा॒ । ए॒ति॑ । अ॒या॒नि॒ । इति॑ । न । इ॒ह । लो॒कः । अ॒स्ति॒ । इति॑ । अ॒ब्रवी॒त् । सः ।
वि॒श्वक॑र्माणमिति॒ वि॒श्व-क॑र्माणम् । अ॒ब्रवी॒त् । उ॒पेति॑ । त्वा॒ । ए॒ति॑ । अ॒या॒नि॒ । इति॑ । केन॑
। मा॒ । उ॒पैष्य॑सीत्यु॒प - ऐष्य॑सि । इति॑ । दि॒श्या॒भिः । इति॑ । अ॒ब्रवी॒त् । तम् । दि॒श्या॒भिः
। उ॒पैदि॒त्यु॒प - ऐत् । ताः । उ॒पेति॑ । अ॒ध॒त्त॑ । ताः । दि॒शः ।

21 TS 5.7.5.5

TS 5.7.5.5

Samhita Paata

ऽभ॒व॒न्थ॒ स॒ प॑रमे॒ष्ठी प्र॒जाप॑तिमब्रवी॒दुप॑ त्वाऽऽ*या॒नीति॑ नेह लो॒कोऽस्तीत्य॑ब्रवी॒थ॒ स॒ वि॒श्वक॑र्माणं च
य॒ज्ञं चा॑ब्रवी॒दुप॑ वा॒मा ऽया॒नीति॑ नेह लो॒कोऽस्तीत्य॑ब्रूताः॑ स॒ ए॒तां तृतीयां॑ चि॒ति॒म॒प॒श्य॒त् तामु॒पा॒धत्त॑
तद॒साव॑भव॒थ॒ स॒ आ॒दि॒त्यः॑ प्र॒जाप॑ति-मब्रवी॒दुप॑ त्वा - []

Pada Paata

अ॒भ॒व॒न् । सः । प॒र॒मे॒ष्ठी । प्र॒जाप॑तिमि॒तिं प्र॒जा-प॑तिम् । अ॒ब्र॒वीत् । उ॒पेति॑ । त्वा॒ । ए॒ति॑ ।
 अ॒या॒नि॒ । इ॒ति॑ । न । इ॒ह । लो॒कः । अ॒स्ति॒ । इ॒ति॑ । अ॒ब्र॒वीत् । सः । वि॒श्वक॑र्माणमि॒तिं
 वि॒श्व - क॑र्माणम् । च॒ । य॒ज्ञम् । च॒ । अ॒ब्र॒वीत् । उ॒पेति॑ । वा॒म् । ए॒ति॑ । अ॒या॒नि॒ । इ॒ति॑
 । न । इ॒ह । लो॒कः । अ॒स्ति॒ । इ॒ति॑ । अ॒ब्रू॒ताम् । सः । ए॒ताम् । तृ॒तीया॑म् । चि॒तिम्
 । अ॒प॒श्यत् । ता॒म् । उ॒पेति॑ । अ॒ध॒त्त॒ । तत् । अ॒सौ । अ॒भ॒वत् । सः । आ॒दि॒त्यः ।
 प्र॒जाप॑तिमि॒तिं प्र॒जा-प॑तिम् । अ॒ब्र॒वीत् । उ॒पेति॑ । त्वा॒ ।

22 TS 5.7.5.6

TS 5.7.5.6

Samhita Paata

ऽऽया॒नीति॑ नेह लो॒कोऽस्ती॑त्य॒ब्रवी॑त् स वि॒श्वक॑र्माणं च य॒ज्ञं चा॑ब्रवी॒दुप॑ वा॒माऽया॒नीति॑ नेह लो॒को-
 "ऽस्ती॑त्य॒ब्रूताः॑ स प॒र॒मे॒ष्ठिन॑म॒ब्रवी॑दुप॒ त्वाऽऽया॒नीति॑ केन॑ मो॒पैष्य॑सीति॑ लोकं पृ॒णये॑त्य॒ब्रवी॑त् तं लो॒कं
 पृ॒णयो॑पैत् तस्मा॒द्या॒तया॑म्री लो॒कं पृ॒णाऽया॒तया॑मा॒ ह्य॒सा - []

Pada Paata

ए॒ति॑ । अ॒या॒नि॒ । इ॒ति॑ । न । इ॒ह । लो॒कः । अ॒स्ति॒ । इ॒ति॑ । अ॒ब्र॒वीत् । सः ।
 वि॒श्वक॑र्माणमि॒तिं वि॒श्व - क॑र्माणम् । च॒ । य॒ज्ञम् । च॒ । अ॒ब्र॒वीत् । उ॒पेति॑ । वा॒म् । ए॒ति॑ ।
 अ॒या॒नि॒ । इ॒ति॑ । न । इ॒ह । लो॒कः । अ॒स्ति॒ । इ॒ति॑ । अ॒ब्रू॒ताम् । सः । प॒र॒मे॒ष्ठिन॑म् ।
 अ॒ब्र॒वीत् । उ॒पेति॑ । त्वा॒ । ए॒ति॑ । अ॒या॒नि॒ । इ॒ति॑ । केन॑ । मा॒ । उ॒पैष्य॑सीत्यु॒प - ऐ॒ष्य॑सि ।

इति । लो॒कं॑पृ॒णये॑ति॒ लोकं॑ - पृ॒णया॑ । इति॑ । अ॒ब्रवी॑त् । तम् । लो॒कं॑पृ॒णये॑ति॒ लोकं॑ - पृ॒णया॑ ।
 । उ॒पैदि॑त्युप - ऐत् । तस्मा॑त् । अया॑तया॒म्नीत्य॑या॒त - या॒म्नी । लो॒कं॑पृ॒णये॑ति॒ लोकं॑ - पृ॒णा ।
 अया॑तया॒मेत्य॑या॒त - या॒मा । हि । अ॒सौ ।

23 TS 5.7.5.7

TS 5.7.5.7

Samhita Paata

-वा॑दि॒त्यस्ता॑नृष॑यो ऽब्रु॒वन्नुप॑ व आ॒ऽया॒मेति॑ के॒न न उ॒पैष्य॑थेति॒ भू॒मेत्य॑ब्रु॒वन् तान् द्वा॒भ्यां चि॒ती॒भ्या-
 मु॒पाय॑न्थ स पञ्च॑चि॒तीकः॑ स॒मप॑द्यत् य ए॒वं वि॒द्वान॒ग्निं चि॑नुते भू॒याने॒व भ॑वत्य॒भीमा॑न् लो॒काञ्ज॑यति
 वि॒दुरे॑न दे॒वा अथो॑ ए॒तासा॑मे॒व दे॒वता॑नां सायु॑ज्यं गच्छति ॥

Pada Paata

आ॒दि॒त्यः । तान् । ऋष॑यः । अ॒ब्रुव॑न् । उ॒पेति॑ । वः । एति॑ । अ॒या॒म् । इति॑ । के॒न । नः
 । उ॒पैष्य॑थेत्युप - ऐष्य॑थ । इति॑ । भू॒म्ना । इति॑ । अ॒ब्रुव॑न् । तान् । द्वा॒भ्याम् । चि॒ती॒भ्यामि॑ति
 चि॒ति - भ्या॒म् । उ॒पाय॑न्नित्युप - आय॑न् । सः । पञ्च॑चि॒तीक॑ इति॒ पञ्च॑-चि॒तीकः॑ । स॒मिति॑ ।
 अ॒पद्य॑त् । यः । ए॒वम् । वि॒द्वान् । अ॒ग्निम् । चि॑नुते । भू॒यान् । ए॒व । भ॑वति । अ॒भीति॑
 । इ॒मान् । लो॒कान् । ज॒यति॑ । वि॒दुः । ए॒नम् । दे॒वाः । अथो॑ इति॑ । ए॒तासा॑म् । ए॒व ।
 दे॒वता॑नाम् । सायु॑ज्यम् । ग॒च्छति॑ ॥

24 TS 5.7.6.1

TS 5.7.6.1

Samhita Paata

वयो वा अ॒ग्निर्यद॑ग्न॒चित् प॒क्षिणो॑ऽश्री॒यात् तमे॒वाग्निम॑द्या॒दा-र्ति॑माच्छे॒त् सँव॑त्सरं॒ व्रतं॑ चरेत् सँव॑त्सरः
हि व्रतं॑ नातिं प॒शुर्वा ए॒ष यद॑ग्निर॒हिनस्ति॑ खलु॒ वै तं प॒शुर्य ए॑नं पुरस्ता॑त् प्र॒त्यञ्च॑मुप॒चर॑ति॒ तस्मा॑त्
प॒श्चात् प्राडु॑प॒चर्य॑ आ॒त्मनो॑ऽहि॒ंसायै॑ तेजो॑ऽसि॒ तेजो॑ मे यच्छ॒ पृथि॒वीं यच्छ॑ - []

Pada Paata

वयः । वै । अ॒ग्निः । यत् । अ॒ग्नि॒चिदि॑त्यग्नि - चित् । प॒क्षिणः॑ । अ॒श्री॒यात् । तम् ।
एव । अ॒ग्निम् । अ॒द्यात् । आ॒र्तिम् । ए॒तिं । ऋ॒च्छेत् । सँव॑त्सरमि॒ति सं - व॑त्सरम् ।
व्रतम् । च॒रेत् । सँव॑त्सरमि॒ति सं - व॑त्सरम् । हि । व्रतम् । न । अती॒तिं । प॒शुः ।
वै । ए॒षः । यत् । अ॒ग्निः । हि॒नस्ति॑ । खलु॒ । वै । तम् । प॒शुः । यः । ए॒नम् ।
पुरस्ता॑त् । प्र॒त्यञ्च॑म् । उ॒प॒चर॑तीत्यु॒प - चर॑ति । तस्मा॑त् । प॒श्चात् । प्राड् । उ॒प॒चर्य॑ इत्यु॒प
- चर्यः॑ । आ॒त्मनः॑ । अ॒हि॒ंसायै॑ । तेजः॑ । अ॒सि । तेजः॑ । मे । य॒च्छ । पृथि॒वीम् । य॒च्छ ।

25 TS 5.7.6.2

TS 5.7.6.2

Samhita Paata

पृथिव्यै मां पाहि ज्योतिरसि ज्योतिर्मे यच्छान्तरिक्षं यच्छान्तरिक्षान्मा पाहि सुवरसि सुवर्मे यच्छ
 दिवं यच्छ दिवो मां पाहीत्याहैताभिर्वा इमे लोका विधृता यदेता उपदधात्येषां लोकानां विधृत्यै
 स्वयमातृण्णा उपधाय हिरण्येष्टका उपदधातीमे वै लोकाः स्वयमातृण्णा ज्योतिरु हिरण्यं यथ स्व-
 यमातृण्णा उपधाय - []

Pada Paata

पृथिव्यै । मा । पाहि । ज्योतिः । असि । ज्योतिः । मे । यच्छ । अन्तरिक्षम् । यच्छ
 । अन्तरिक्षात् । मा । पाहि । सुवः । असि । सुवः । मे । यच्छ । दिवम् । यच्छ ।
 दिवः । मा । पाहि । इति । आह । एताभिः । वै । इमे । लोकाः । विधृता इति वि -
 धृताः । यत् । एताः । उपदधातीत्युप - दधाति । एषाम् । लोकानाम् । विधृत्या इति वि -
 धृत्यै । स्वयमातृण्णा इति स्वयं - आतृण्णाः । उपधायेत्युप - धाय । हिरण्येष्टका इति हिरण्य
 - इष्टकाः । उपेति । दधाति । इमे । वै । लोकाः । स्वयमातृण्णा इति स्वयं-आतृण्णाः ।
 ज्योतिः । हिरण्यम् । यत् । स्वयमातृण्णा इति स्वयं - आतृण्णाः । उपधायेत्युप - धाय ।

26 TS 5.7.6.3

TS 5.7.6.3

Samhita Paata

हिरण्येष्टका उपदधाती-मानेवैताभिर्-लोका-ज्योतिष्मतः कुरुतेऽथो एताभिरेवास्मां इमे लोकाः प्र
 भौन्ति यास्ते अग्रे सूर्ये रुचं उद्यतो दिवमातृन्वन्ति रश्मिभिः । ताभिः सर्वाभी रुचे जनाय
 नस्कृधि ॥ या वो देवाः सूर्ये रुचो गोष्वश्वेषु या रुचः । इन्द्राग्नी ताभिः सर्वाभी रुचं नो धत्त

बृहस्पते ॥ रुचन्नो धेहि - []

Pada Paata

हिरण्येष्टका इति हिरण्य - इष्टकाः । उपदधातीत्युप - दधाति । इमान् । एव । एताभिः ।
लोकान् । ज्योतिष्मतः । कुरुते । अथो इति । एताभिः । एव । अस्मै । इमे । लोकाः
। प्रेति । भान्ति । याः । ते । अग्ने । सूर्ये । रुचः । उद्यत इत्युत् - यतः । दिवम् ।
आतन्वन्तीत्याँ - तन्वन्ति । रश्मिभिरिति रश्मि - भिः ॥ ताभिः । सर्वाभिः । रुचे । जनाय ।
नः । कृधि ॥ याः । वः । देवाः । सूर्ये । रुचः । गोषु । अश्वेषु । याः । रुचः ॥ इन्द्रा-
ग्नी इतीन्द्र-अग्नी । ताभिः । सर्वाभिः । रुचम् । नः । धत्त । बृहस्पते ॥ रुचम् । नः । धेहि ।

27 TS 5.7.6.4

TS 5.7.6.4

Samhita Paata

ब्राह्मणेषु रुचः राजंसु नस्कृधि । रुचं विश्वेषु शूद्रेषु मयि धेहि रुचा रुचं ॥ द्वेधा वा अग्निं
चिक्व्यानस्य यश इन्द्रियं गच्छत्यग्निं वा चितमीजानं वा यदेता आहुतीर्जुहोत्यात्मन्नेव यश इन्द्रियं
धत्त ईश्वरो वा एष आर्तिमार्तोऽग्निं चिन्वन्नाधि क्रामन्ति तत्त्वा यामि ब्रह्मणा वन्दमान इति वारु-
ण्यर्चा - []

Pada Paata

ब्राह्मणेषु । रुचम् । राजस्विति राज - सु । नः । कृधि ॥ रुचम् । विश्वेषु । शूद्रेषु ।
 मयि । धेहि । रुचा । रुचम् ॥ द्वेधा । वै । अग्निम् । चिक्यान्स्य । यशः । इन्द्रियम् ।
 गच्छति । अग्निम् । वा । चितम् । ईजानम् । वा । यत् । एताः । आहुतीरित्या - हुतीः
 । जुहोति । आत्मन् । एव । यशः । इन्द्रियम् । धत्ते । ईश्वरः । वै । एषः । आर्तिम् ।
 आर्तोरित्या - अर्तोः । यः । अग्निम् । चिन्वन् । अधिक्रामतीत्यधि - क्रामति । तत् । त्वा
 । यामि । ब्रह्मणा । वन्दमानः । इति । वारुण्या । ऋचा ।

28 TS 5.7.6.5

TS 5.7.6.5

Samhita Paata

जुहुयाच्छान्तिरेवैषा ऽग्नेर्गुप्तिरात्मनो हविष्कृतो वा एष योऽग्निं चिनुते यथा वै हविः स्कन्दत्येवं वा
 एष स्कन्दति योऽग्निं चित्वा स्त्रियमुपैति मैत्रावरुण्याऽऽमिक्षया यजेत मैत्रावरुणतामेवोपैत्यात्मनो
 ऽस्कन्दाय यो वा अग्निमृतुस्थां वेदतुर्ऋतुरस्मै कल्पमान एति प्रत्येव तिष्ठति सँवत्सरो वा अग्निर्
 - []

Pada Paata

जुहुयात् । शान्तिः । एव । एषा । अग्नेः । गुप्तिः । आत्मनः । हविष्कृत इति हविः - कृतः
 । वै । एषः । यः । अग्निम् । चिनुते । यथा । वै । हविः । स्कन्दति । एवम् । वै ।

एषः । स्कन्दति । यः । अग्निम् । चित्वा । स्त्रियम् । उपैतीत्युप - एति । मैत्रावरुण्येति
 मैत्रा - वरुण्या । आमिक्षया । यजेत । मैत्रावरुणतामिति मैत्रा - वरुणताम् । एव । उपेति
 । एति । आत्मनः । अस्कन्दाय । यः । वै । अग्निम् । ऋतुस्थामित्यृतु - स्थाम् । वेदं
 । ऋतुरऋतुरित्यृतुः - ऋतुः । अस्मै । कल्पमानः । एति । प्रतीति । एव । तिष्ठति ।
 सँवत्सर इति सं - वत्सरः । वै । अग्निः ।

29 TS 5.7.6.6

TS 5.7.6.6

Samhita Paata

ऋतुस्थास्तस्य वसन्तः शिरो ग्रीष्मो दक्षिणः पक्षो वरुषाः पुच्छं शरदुत्तरः पक्षो हेमन्तो मद्ध्यं
 पूर्वपक्षा-श्चित्तयोऽपरपक्षाः पुरीष-महोरात्राणीष्टका एष वा अग्निरऋतुस्था य एवं वेदतुरऋतुरस्मै
 कल्पमान एति प्रत्येव तिष्ठति प्रजापतिर्वा एतं ज्यैष्ठ्यकामो न्यधत्त ततो वै स ज्यैष्ठ्यमगच्छद्य एवं
 विद्वानग्निं चिनुते () ज्यैष्ठ्यमेव गच्छति ॥

Pada Paata

ऋतुस्था इत्यृतु - स्थाः । तस्य । वसन्तः । शिरः । ग्रीष्मः । दक्षिणः । पक्षः । वरुषाः
 । पुच्छम् । शरत् । उत्तर इत्युत् - तरः । पक्षः । हेमन्तः । मद्ध्यम् । पूर्वपक्षा इति पूर्व -
 पक्षाः । चित्तयः । अपरपक्षा इत्यपर - पक्षाः । पुरीषम् । अहोरात्राणीत्यहः-रात्राणि । इष्टकाः
 । एषः । वै । अग्निः । ऋतुस्था इत्यृतु - स्थाः । यः । एवम् । वेदं । ऋतुरऋतुरित्यृतुः -

ऋतुः । अस्मै । कल्पमानः । एति । प्रतीतिं । एव । तिष्ठति । प्रजापतिरिति प्रजा - पतिः ।
 वै । एतम् । ज्यैष्ठ्यकाम इति ज्यैष्ठ्य - कामः । नीति । अधत्त । ततः । वै । सः । ज्यैष्ठ्य-
 "म् । अगच्छत् । यः । एवम् । विद्वान् । अग्निम् । चिनुते () । ज्यैष्ठ्यम् । एव । गच्छति ॥

30 TS 5.7.7.1

TS 5.7.7.1

Samhita Paata

यदाकूताथ समसुस्रोद्धृदो वा मनसो वा संभृतं चक्षुषो वा । तमनु प्रेहि सुकृतस्य लोकं यत्र ऋषयः
 प्रथमजा ये पुराणाः ॥ एतं संधस्थ परि ते ददामि यमावहाच्छेवधिं जातवेदाः । अन्वागन्ता
 यज्ञपतिर्वो अत्र तं स्म जानीत परमे व्योमन् ॥ जानीतादेनं परमे व्योमन् देवाः संधस्था विद
 रूपमस्य । यदागच्छात् - []

Pada Paata

यत् । आकूतादित्या - कूतात् । समसुस्रोदिति सं - असुस्रोत् । हृदः । वा । मनसः । वा
 । संभृतमिति सं - भृतम् । चक्षुषः । वा ॥ तम् । अनु । प्रेति । इहि । सुकृतस्येति सु -
 कृतस्य । लोकम् । यत्र । ऋषयः । प्रथमजा इति प्रथम-जाः । ये । पुराणाः ॥ एतम् ।
 संधस्थेति संध - स्थ । परीति । ते । ददामि । यम् । आवहादित्या - वहात् । शेवधिमिति
 शेव - धिम् । जातवेदा इति जात - वेदाः ॥ अन्वागन्तेत्यनु-आगन्ता । यज्ञपतिरिति यज्ञ-पतिः
 । वः । अत्र । तम् । स्म । जानीत । परमे । व्योमन्निति वि-ओमन् ॥ जानीतात् । एनम्
 । परमे । व्योमन्निति वि - ओमन् । देवाः । संधस्था इति संध - स्थाः । विद । रूपम् ।

अ॒स्य॒ ॥ यत् । आ॒गच्छा॒दित्या॑ - गच्छा॑त् ।

31 TS 5.7.7.2

TS 5.7.7.2

Samhita Paata

प॒थिभिर्दे॒व्याना॑नैरिष्टा॒पूर्ते॑ कृ॒णुता॑दा॒विर॑स्मै ॥ सं प्र च्य॑वद्ध॒मनु॑ सं प्र या॒ताग्ने॑ प॒थो दे॒व्याना॑न् कृ॒णुद्धं॑
। अ॒स्मिन्थ॑ स॒धस्थे॑ अ॒द्भ्युत्तर॑स्मिन् विश्वे॑ दे॒वा यज॑मानश्च सीदत ॥ प्र॒स्त॒रेण॑ परि॒धिना॑ सु॒चा वेद्या॑
च ब॒रुहिषा॑ । ऋ॒चेमं॑ य॒ज्ञं नो॑ वह॒ सुव॑दे॒वेषु॑ गन्त॑वे ॥ यद्विष्टं॑ यत् प॒रा॒दानं॑ यद्वत्तं॑ या च॒ दक्षि॑णा
। त - []

Pada Paata

प॒थिभि॑रिति॒ प॒थि - भिः॑ । दे॒व्याना॑नैरिति॒ देव॑ - या॒नैः॑ । इ॒ष्टा॒पूर्ते॑ इती॒ष्टा-पूर्ते॑ । कृ॒णुता॑त् । अ॒विः
। अ॒स्मै ॥ सम् । प्रेति॑ । च्य॒वद्ध॑म् । अ॒न्विति॑ । सम् । प्रेति॑ । या॒त् । अ॒ग्ने॑ । प॒थः ।
दे॒व्याना॑निति॒ देव॑ - या॒नान् । कृ॒णुद्ध॑म् ॥ अ॒स्मिन् । स॒धस्थ॑ इति॒ स॒ध - स्थे॑ । अधीति॑ ।
उत्त॑रस्मि॒न्नित्युत् - त॒रस्मिन् । विश्वे॑ । दे॒वाः । यज॑मानः । च॒ । सीद॑त् ॥ प्र॒स्त॒रेणेति॑ प्र -
स्त॒रेण॑ । परि॒धिनेति॑ परि - धि॒ना॑ । सु॒चा । वेद्या॑ । च॒ । ब॒रुहिषा॑ ॥ ऋ॒चा । इ॒मम् । य॒ज्ञम्
। नः॑ । वह॑ । सुवः॑ । दे॒वेषु॑ । गन्त॑वे ॥ यत् । इ॒ष्टम् । यत् । प॒रा॒दान॑मिति॒ परा॑ - दान॑म्
। यत् । द॒त्तम् । या । च॒ । दक्षि॑णा ॥ तत् ।

32 TS 5.7.7.3

TS 5.7.7.3

Samhita Paata

-द॒ग्निर्वै॑श्व॒कर्म॑णः सु॒वर्दे॑वेषु॑ नो दधत् ॥ येना॑ सु॒हस्रं॑ वह॑सि॒ येना॑ग्रे सर्व॒वेद॑सं । तेने॒मं य॒ज्ञं नो॑ वह॒ सु॒वर्दे॑वेषु॑ गन्त॒वे ॥ येना॑ग्रे दक्षि॑णा यु॒क्ता य॒ज्ञं वह॑न्त्यृ॒त्विजः॑ । तेने॒मं य॒ज्ञं नो॑ वह॒ सु॒वर्दे॑वेषु॑ गन्त॒वे ॥ येना॑ग्रे सु॒कृतः॑ प॒था मधो॑र्द्धा॒रा व्या॑न॒शुः । तेने॒मं य॒ज्ञं नो॑ वह॒ सु॒वर्दे॑वेषु॑ गन्त॒वे () ॥ यत्र॑ धा॒रा अन॑पेता॒ मधो॑र्घृतस्य॑ च॒ याः । तद॒ग्निर्वै॑श्व॒कर्म॑णः सु॒वर्दे॑वेषु॑ नो दधत् ॥

Pada Paata

अ॒ग्निः । वै॒श्व॒कर्म॑ण इति॑ वैश्व - कर्म॑णः । सु॒वः । दे॒वेषु॑ । नः । दध॑त् ॥ येन॑ । सु॒हस्र॑म् । वह॑सि । येन॑ । अ॒ग्रे । सर्व॒वेद॑समिति॑ सर्व - वेद॑सम् ॥ तेन॑ । इ॒मम् । य॒ज्ञम् । नः । वह॑ । सु॒वः । दे॒वेषु॑ । गन्त॒वे ॥ येन॑ । अ॒ग्रे । दक्षि॑णाः । यु॒क्ताः । य॒ज्ञम् । वह॑न्ति । ऋ॒त्विजः॑ ॥ तेन॑ । इ॒मम् । य॒ज्ञम् । नः । वह॑ । सु॒वः । दे॒वेषु॑ । गन्त॒वे ॥ येन॑ । अ॒ग्रे । सु॒कृत॑ इति॑ सु - कृतः॑ । प॒था । मधोः॑ । धा॒राः । व्या॑न॒शुरिति॑ वि - आ॒न॒शुः ॥ तेन॑ । इ॒मम् । य॒ज्ञम् । नः । वह॑ । सु॒वः । दे॒वेषु॑ । गन्त॒वे () ॥ यत्र॑ । धा॒राः । अन॑पेता॒ इत्यन॑प - इ॒ताः । मधोः॑ । घृ॒तस्य॑ । च॒ । याः ॥ तत् । अ॒ग्निः । वै॒श्व॒कर्म॑ण इति॑ वैश्व - कर्म॑णः । सु॒वः । दे॒वेषु॑ । नः । दध॑त् ॥

33 TS 5.7.8.1

TS 5.7.8.1

Samhita Paata

यास्ते॑ अ॒ग्ने स॒मिधो॑ या॒नि धा॒म॒ या ज़ि॒ह्वा जा॑तवेदो॒ यो अ॒र्चिः । ये ते॑ अ॒ग्ने मे॒डयो॑ य इ॒न्द्रव॑स्ते-
भि॒रा॒त्मानं॑ चि॒नुहि॑ प्र॒जा॒न॒न् ॥ उ॒थ्स॒न्न॒य॒ज्ञो वा ए॒ष यद॒ग्निः किं॑ वाऽहै॒तस्य॑ क्रि॒यते॑ किं॑ वा॒ न यद्वा
अ॒द्भ्यु॒र॒ग्नेश्चि॒न्वन्॑-न्त॒रेत्या॒त्मनो॑ वै तद॒न्तरे॑ति॒ यास्ते॑ अ॒ग्ने स॒मिधो॑ या॒नि - []

Pada Paata

याः । ते । अ॒ग्ने । स॒मिध॒ इति॑ सं - इधः । या॒नि । धा॒म । या । जि॒ह्वा । जा॑तवे॒द इति॑
जा॒त-वे॒दः । यः । अ॒र्चिः ॥ ये । ते । अ॒ग्ने । मे॒डयः॑ । ये । इ॒न्द्रवः॑ । तेभिः॑ । आ॒त्मा॒नम्
। चि॒नुहि॑ । प्र॒जा॒न॒निति॑ प्र - जा॒न॒न् ॥ उ॒थ्स॒न्न॒य॒ज्ञ इत्यु॑थ्स॒न्न - य॒ज्ञः । वै । ए॒षः । यत् ।
अ॒ग्निः । किम् । वा॒ । अ॒हं । ए॒तस्य॑ । क्रि॒यते॑ । किम् । वा॒ । न । यत् । वै । अ॒द्भ्युः
। अ॒ग्नेः । चि॒न्वन् । अ॒न्तरे॑ती॒यन्तः॑ - ए॒ति । आ॒त्मनः॑ । वै । तत् । अ॒न्तः । ए॒ति । याः
। ते । अ॒ग्ने । स॒मिध॒ इति॑ सं - इधः । या॒नि ।

34 TS 5.7.8.2

TS 5.7.8.2

Samhita Paata

धामेत्याहुँषा वा अग्नेः स्वयं चितिरग्निरेव तदग्निं चिनोति नाद्धर्युरात्मनोऽन्तरेति चतस्र आशाः
प्रचरन्त्वग्नयं इमं नो यज्ञं नयतु प्रजानन् । घृतं पिन्वन्नजरं सुवीरं ब्रह्म समिद्-भवत्याहुतीनां
॥सुवर्गाय वा एष लोकायोप धीयते यत् कूर्मश्चतस्र आशाः प्र चरन्त्वग्नय इत्याहु - []

Pada Paata

धामं । इति । आहु । एषा । वै । अग्नेः । स्वयंचितिरिति स्वयं - चितिः । अग्निः । एव ।
तत् । अग्निम् । चिनोति । न । अद्धर्युः । आत्मनः । अन्तः । एति । चतस्रः । आशाः
। प्रेति । चरन्तु । अग्नयः । इमम् । नः । यज्ञम् । नयतु । प्रजानन्निति प्र - जानन् ॥
घृतम् । पिन्वन्नं । अजरम् । सुवीरमिति सु-वीरम् । ब्रह्म । समिदिति सं - इत् । भवति
। आहुतीनामित्या - हुतीनाम् ॥ सुवर्गायेति सुवः - गायं । वै । एषः । लोकायं । उपे-
ति । धीयते । यत् । कूर्मः । चतस्रः । आशाः । प्रेति । चरन्तु । अग्नयः । इति । आहु ।

35 TS 5.7.8.3

TS 5.7.8.3

Samhita Paata

दिशं एवैतेन प्र जानातीमं नो यज्ञं नयतु प्रजानन्नित्याहु सुवर्गस्य लोकस्याभिनीत्यै ब्रह्म समिद्-
भवत्याहुतीनामित्याहु ब्रह्मणा वै देवाः सुवर्गं लोकमायन् यद्-ब्रह्मण्वत्योपदधाति ब्रह्मणैव तद्-
यजमानः सुवर्गं लोकमेति प्रजापतिर्वा एष यदग्निस्तस्य प्रजाः पशवः छन्दांसि रूपं सर्वान्
वर्णानिष्टकानां () कुर्याद् रूपेणैव प्रजां पशून् छन्दांस्यव रुन्धेऽथो प्रजाभ्यं एवैनं पशुभ्यः

छन्दोभ्यो ऽवरुद्ध्य चिनुते ॥

Pada Paata

दिशः । ए॒व । ए॒तेन॑ । प्रेति॑ । जा॒ना॒ति । इ॒मम् । नः । य॒श्म । न॒य॒तु । प्र॒जा॒न॒त्रि॒ति॑ प्र -
जा॒न॒त्र । इति॑ । आ॒ह । सु॒व॒र्ग॒स्येति॑ सु॒वः - ग॒स्य॑ । लो॒क॒स्य॑ । अ॒भिनी॑त्या इत्य॒भि॒नी॒त्यै ।
ब्रह्म॑ । स॒मिदि॑ति सं - इत् । भ॒व॒ति । आहु॑तीना॒मित्या - हु॒तीना॑म् । इति॑ । आ॒ह । ब्रह्म॑णा
। वै । दे॒वाः । सु॒व॒र्ग॒मि॒ति॑ सु॒वः - ग॒म् । लो॒क॒म् । आ॒य॒त्र । यत् । ब्रह्म॑ण्व॒त्येति॑ ब्रह्म॑ण -
व॒त्या । उ॒प॒द॒धा॒तीत्यु॑प - द॒धा॒ति । ब्रह्म॑णा । ए॒व । तत् । य॒ज॑मानः । सु॒व॒र्ग॒मि॒ति॑ सु॒वः -
ग॒म् । लो॒क॒म् । ए॒ति । प्र॒जाप॑तिरि॒ति॑ प्र॒जा - प॒तिः । वै । ए॒षः । यत् । अ॒ग्निः । तस्य॑
। प्र॒जा इति॑ प्र - जाः । प॒श॒वः । छ॒न्दा॑श्सि । रू॒पम् । स॒र्वान् । वर्णान् । इष्ट॑कानाम् ()
। कुर्या॑त् । रू॒पेण॑ । ए॒व । प्र॒जा॒मि॒ति॑ प्र - जा॒म् । प॒शून् । छ॒न्दा॑श्सि । अ॒वेति॑ । रु॒न्धे ।
अथो॑ इति॑ । प्र॒जाभ्य॑ इति॑ प्र - जा॒भ्यः । ए॒व । ए॒नम् । प॒शुभ्य॑ इति॑ प॒शु॒भ्यः । छ॒न्दो॑भ्य॒
इति॑ छ॒न्दः - भ्यः । अ॒वरु॑द्ध्येत्य॒व - रु॒द्ध्य॑ । चि॒नु॒ते ॥

36 TS 5.7.9.1

TS 5.7.9.1

Samhita Paata

मयि॑ गृह्णाम्य॒ग्रे अ॒ग्निः रा॒य॒स्पोषा॑य सुप्रजा॒स्त्वाय॑ सुवी॒र्याय॑ । मयि॑ प्र॒जां मयि॑ वर्चो॑ दधा॒म्यरि॑ष्टाः
स्याम॑ त॒नुवा॑ सुवी॒राः ॥यो नो॑ अ॒ग्निः पि॑तरो ह॒व्यस्व॑न्तर॒म॒र्त्यो म॒र्त्याश् आ॒वि॒वेश॑ । तमा॒त्मन् परि॑

गृ॒ह्णी॑महे व॒यं मा सो अ॒स्मा॑ऽ अ॒व॒हाय॑ परा॑ गात् ॥ यद॑द्भ्य॒रु॒रा॒त्म॒न्न॒ग्नि॒म॒गृ॑ही॒त्वा॒ऽग्निं॑ चि॒नु॒याद्यो॑ऽस्य॒
स्वो॑ऽग्निस्तमपि - []

Pada Paata

मयि॑ । गृ॒ह्ना॒मि॒ । अ॒ग्रे॑ । अ॒ग्नि॒म् । रा॒यः॑ । पोषा॑य । सु॒प्र॒जा॒स्त्वा॒येति॑ सु॒प्र॒जाः॑ - त्वाय॑ । सु॒वी॒र्या॑-
येति॑ सु - वी॒र्या॑य ॥ मयि॑ । प्र॒जा॒मिति॑ प्र - जा॒म् । मयि॑ । व॒र्चः॑ । दु॒धा॒मि॒ । अ॒रि॒ष्टाः॑ । स्या॒म् ।
त॒नुवा॑ । सु॒वी॒रा॒ इति॑ सु - वी॒राः॑ ॥ यः॑ । नः॑ । अ॒ग्निः॑ । पि॒तरः॑ । ह॒वि॒स्विति॑ ह॒त् - सु॑ । अ॒न्तः॑
। अ॒म॒र्त्यः॑ । म॒र्त्यान्॑ । आ॒वि॒वेशे॑त्या॑ - वि॒वेश॑ ॥ तम् । आ॒त्म॒न् । प॒रीति॑ । गृ॒ह्णी॑म॒हे । व॒यम्
। मा॑ । सः॑ । अ॒स्मान् । अ॒व॒हा॒येत्य॑व - हा॒य॑ । प॒रेति॑ । गा॒त् ॥ यत् । अ॒द्भ्युः॑ । आ॒त्म॒न् ।
अ॒ग्नि॒म् । अ॒गृ॑ही॒त्वा । अ॒ग्नि॒म् । चि॒नु॒यात् । यः॑ । अ॒स्य॑ । स्वः॑ । अ॒ग्निः॑ । तम् । अ॒पीति॑ ।

37 TS 5.7.9.2

TS 5.7.9.2

Samhita Paata

यज॑मानाय चिनुयादु॒ग्निं खलु॑ वै प॒शवो॑ऽनूपं तिष्ठन्तेऽप॒क्रामु॑का अ॒स्मात् प॒शवः॑ स्यु॒र्मयि॑ गृ॒ह्ना॒म्यग्रे॑
अ॒ग्नि॒मित्या॑हा॒ऽऽत्म॒न्नेव॑ स्व॒म॒ग्निं दा॑धार॒ नास्मा॑त् प॒शवो॑ऽपं क्रा॒मन्ति॑ ब्र॒ह्मवा॑दि॒नो वद॑न्ति यन्मृ॒-
च्चाऽऽप॑श्चा॒ग्नेरे॑ना॒द्यम॑थ॒ कस्मा॑न्मृ॒दा चा॒द्भिश्चा॒ग्निश्ची॑यत॒ इति॑ यद॒द्भिः सं॒यौ - []

Pada Paata

यज॑मानाय । चि॒नुया॒त् । अ॒ग्निम् । खलु॑ । वै । प॒शवः॑ । अनु॑ । उपेति॑ । तिष्ठ॑न्ते ।
 अप॒क्रामु॑का इत्य॑प - क्रामु॑काः । अ॒स्मात् । प॒शवः॑ । स्युः । मयि॑ । गृह्णामि॑ । अ॒ग्ने ।
 अ॒ग्निम् । इति॑ । आ॒ह । आ॒त्मन् । ए॒व । स्वम् । अ॒ग्निम् । दा॒धार । न । अ॒स्मात् ।
 प॒शवः॑ । अपेति॑ । क्राम॑न्ति । ब्रह्म॑वादि॒न इति॑ ब्रह्म॑वादि॒नः । वद॑न्ति । यत् । मृ॒त् । च ।
 आपः॑ । च । अ॒ग्नेः । अ॒नाद्य॑म् । अथ॑ । कस्मा॑त् । मृ॒दा । च । अ॒द्भिरित्य॑त्-भिः । च ।
 अ॒ग्निः । ची॒यते॑ । इति॑ । यत् । अ॒द्भिरित्य॑त् - भिः । सं॒यौती॑ति सं - यौति॑ ।

38 TS 5.7.9.3

TS 5.7.9.3

Samhita Paata

-त्यापो॑ वै सर्वा॑ दे॒वता॑ दे॒वता॑भिरे॒वैन॑ꣳ सꣳ सृ॑जति॒ यन्मृ॑दा चि॒नोती॑यं॒ वा अ॒ग्निर्वै॑श्वान॒रोऽग्नि॑नै॒व तद॑ग्निं
 चि॒नोति॑ ब्रह्म॑वादि॒नो वद॑न्ति॒ यन्मृ॑दा च॒द्भिश्चा॒ग्निश्ची॑यतेऽथ॒ कस्मा॑द॒ग्निरु॑च्यत॒ इति॑ यच्छ॒न्दोभि॑-
 श्चि॒नोत्य॑ग्नयो॒ वै छन्दा॑ꣳसि॒ तस्मा॑द॒ग्निरु॑च्यतेऽथो॒ इयं॑ वा अ॒ग्निर्वै॑श्वान॒रो य - []

Pada Paata

आपः॑ । वै । सर्वाः॑ । दे॒वताः॑ । दे॒वता॑भिः । ए॒व । ए॒नम् । समि॑ति । सृ॒जति॑ । यत् ।
 मृ॒दा । चि॒नोति॑ । इ॒यम् । वै । अ॒ग्निः । वै॑श्वान॒रः । अ॒ग्निना॑ । ए॒व । तत् । अ॒ग्निम् ।
 चि॒नोति॑ । ब्रह्म॑वादि॒न इति॑ ब्रह्म॑ - वादि॒नः । वद॑न्ति । यत् । मृ॒दा । च । अ॒द्भिरित्य॑त् - भिः

। च । अ॒ग्निः । ची॒यते॑ । अथ॑ । कस्मा॑त् । अ॒ग्निः । उ॒च्य॒ते । इति॑ । यत् । छन्दो॑भिरिति॑
छन्दः॑ - भिः । चि॒नोति॑ । अ॒ग्रयः॑ । वै । छन्दा॑श्सि । तस्मा॑त् । अ॒ग्निः । उ॒च्य॒ते । अथो॑
इति॑ । इ॒यम् । वै । अ॒ग्निः । वैश्वा॒नरः॑ । यत् ।

39 TS 5.7.9.4

TS 5.7.9.4

Samhita Paata

-न्मृ॒दा चि॒नोति॑ तस्मा॑द् अ॒ग्निरु॑च्यते हिरण्येष्ट॒का उप॑ दधाति॒ ज्योति॑र्वै हिर॑ण्यं ज्योति॑रे॒वाऽस्मिन् दधा॑-
त्यथो॑ तेजो॒ वै हिर॑ण्यं तेजं ए॒वाऽऽत्म॑न् ध॒त्ते यो वा अ॒ग्निः॑ स॒र्वतो॑मुखं चि॒नुते॑ सर्वा॑सु प्र॒जास्व॑न्नम॒त्ति
सर्वा॑ दि॒शोऽभि॑ ज॒यति॑ गा॒यत्रीं॑ पु॒रस्ता॑दुप॑ दधाति॒ त्रिष्टु॑भं दक्षि॒णतो॑ जग॑तीं प॒श्चाद॑नुष्टु॒भमुत्त॑रतः प॒ङ्क्तिं
म॒द्ध्यं ए॒ष वा () अ॒ग्निः॑ स॒र्वतो॑मुखस्तं॒य ए॒वं वि॒द्वाश्चि॑नुते सर्वा॑सु प्र॒जास्व॑न्नम॒त्ति सर्वा॑ दि॒शोऽभि॑
ज॒यत्यथो॑ दि॒श्येव दि॒शं प्र व॑यति॒ तस्मा॑द्-दि॒शि दिक् प्रोता॑ ॥

Pada Paata

मृ॒दा । चि॒नोति॑ । तस्मा॑त् । अ॒ग्निः । उ॒च्य॒ते । हि॒र॒ण्येष्ट॒का इति॑ हिर॑ण्य - इष्ट॒काः । उपेति॑ ।
दु॒धा॒ति । ज्योति॑ः । वै । हि॒र॒ण्यम् । ज्योति॑ः । ए॒व । अ॒स्मिन् । दु॒धा॒ति । अथो॑ इति॑ । तेजः॑
। वै । हि॒र॒ण्यम् । तेजः॑ । ए॒व । आ॒त्मन् । ध॒त्ते । यः । वै । अ॒ग्निम् । स॒र्वतो॑मुखमि॒ति
स॒र्वतः॑ - मुखम् । चि॒नुते । सर्वा॑सु । प्र॒जास्वि॑तिं प्र - जासु॑ । अ॒न्नम् । अ॒त्ति । सर्वाः॑ । दि॒शः
। अ॒भीति॑ । ज॒यति॑ । गा॒यत्रीम् । पु॒रस्ता॑त् । उपेति॑ । दु॒धा॒ति । त्रिष्टु॑भम् । दक्षि॒णतः॑ ।

जग॑तीम् । प॒श्चात् । अ॒नु॒ष्टु॒भ॒मित्य॑नु॒स्तु॒भम् । उ॒त्त॒र॒त इत्यु॑त्-त॒र॒तः । प॒ङ्क्ति॑म् । म॒द्भ्य॑ । ए॒षः ।
 वै () । अ॒ग्निः । स॒र्वतो॑मुख॒ इति॑ स॒र्वतः॑ - मुखः । तम् । यः । ए॒वम् । वि॒द्वान् । चि॒नुते॑ ।
 सर्वा॑सु । प्र॒जास्वि॑ति॒ प्र-जा॑सु । अ॒न्नम् । अ॒त्ति । सर्वाः॑ । दि॒शः । अ॒भीति॑ । ज॒यति॑ । अथो॒
 इति॑ । दि॒शि । ए॒व । दि॒शम् । प्रेति॑ । व॒यति॑ । तस्मा॑त् । दि॒शि । दिक् । प्रोते॑ति॒ प्र - उ॒ता ॥

40 TS 5.7.10.1

TS 5.7.10.1

Samhita Paata

प्र॒जाप॑ति॒रि॒ति॒म॑सृजत् सौ॒ऽस्मात् सृष्टः॑ प्रा॒ङ् प्रा॒ऽद्रव॑त् तस्मा॒ अश्वं॑ प्र॒त्या॑स्य॒त् स दक्षि॑णाऽऽव॑र्तत्
 तस्मै॑ वृ॒ष्णिं प्र॒त्या॑स्य॒त् स प्र॒त्यङ्का॑व॑र्तत् तस्मा॑ ऋष॒भं प्र॒त्या॑स्य॒त् स उ॒दङ्का॑व॑र्तत् तस्मै॑ ब॒स्तं
 प्र॒त्या॑स्य॒त् स ऊ॒र्ध्व॑ऽद्रव॑त् तस्मै॑ पु॒रुषं॑ प्र॒त्या॑स्य॒द्यत् प॑शु॒शीरू॒षाण्यु॑प॒दधा॑ति स॒र्वत॑ ए॒वैन॑ - []

Pada Paata

प्र॒जाप॑ति॒रिति॑ प्र॒जा - प॒तिः । अ॒ग्निम् । अ॒सृज॑त् । सः । अ॒स्मात् । सृष्टः॑ । प्रा॒ङ् । प्रेति॑
 । अ॒द्रव॑त् । तस्मै॑ । अ॒श्वम् । प्र॒तीति॑ । आ॒स्य॑त् । सः । दक्षि॑णा । एति॑ । अ॒वर्त॑त्
 । तस्मै॑ । वृ॒ष्णिम् । प्र॒तीति॑ । आ॒स्य॑त् । सः । प्र॒त्यङ् । एति॑ । अ॒वर्त॑त् । तस्मै॑ ।
 ऋष॒भम् । प्र॒तीति॑ । आ॒स्य॑त् । सः । उ॒दङ् । एति॑ । अ॒वर्त॑त् । तस्मै॑ । ब॒स्तम् ।
 प्र॒तीति॑ । आ॒स्य॑त् । सः । ऊ॒र्ध्वः । अ॒द्रव॑त् । तस्मै॑ । पु॒रुष॑म् । प्र॒तीति॑ । आ॒स्य॑त्
 । यत् । प॒शु॒शीरू॒षाणीति॑ प॒शु - शी॒रू॒षाणि॑ । उ॒प॒दधा॑तीत्यु॒प - दधा॑ति । स॒र्वतः॑ । ए॒व । ए॒नम् ।

41 TS 5.7.10.2

TS 5.7.10.2

Samhita Paata

मव॒रुद्धय॑ चिनुत ए॒ता वै प्रा॑णभृ॒त-श्चक्षु॑ष्मती॒रिष्ट॑का॒ यत् प॑शु॒शीरू॒षाणि॑ यत् प॑शु॒शीरू॒षाण्यु॑प॒दधा॑ति
ताभि॑रे॒व यज॑मानोऽमुष्मिन् लो॒के प्रा॑णित्यथो॒ ताभि॑रे॒वास्मा॑ इ॒मे लो॒काः प्र भा॑न्ति मृ॒दाऽभि॑लिप्योप॑
दधा॑ति मे॒द्वय॑त्वाय॑ प॒शुर्वा ए॒ष यद॑ग्निरन्नं॑ प॒शव॑ ए॒ष खलु॑ वा अ॒ग्निर्यत् प॑शु॒शीरू॒षाणि॑ यं का॒मये॑त्
कनी॑योऽस्यान्न॑ - []

Pada Paata

अ॒व॒रुद्धये॑त्य॒व - रुद्धय॑ । चि॒नुते॑ । ए॒ताः । वै । प्रा॑णभृ॒त इति॑ प्राण - भृ॒तः । चक्षु॑ष्मतीः
। इष्ट॑काः । यत् । प॒शु॒शीरू॒षाणीति॑ पशु - शी॒रू॒षाणि॑ । यत् । प॒शु॒शीरू॒षाणीति॑ पशु -
शी॒रू॒षाणि॑ । उ॒प॒दधा॑तीत्यु॑प - दधा॑ति । ताभिः॑ । ए॒व । यज॑मानः । अ॒मुष्मिन् । लो॒के
। प्रेति॑ । अ॒निति॑ । अथो॒ इति॑ । ताभिः॑ । ए॒व । अ॒स्मै । इ॒मे । लो॒काः । प्रेति॑ ।
भा॒न्ति । मृ॒दा । अ॒भि॒लिप्ये॑त्य॒भि - लिप्य॑ । उ॒पेति॑ । द॒धाति॑ । मे॒द्वय॑त्वायेति॑ मे॒द्वय॑-त्वाय॑
। प॒शुः । वै । ए॒षः । यत् । अ॒ग्निः । अन्न॑म् । प॒शवः॑ । ए॒षः । खलु॑ । वै । अ॒-
ग्निः । यत् । प॒शु॒शीरू॒षाणीति॑ पशु-शी॒रू॒षाणि॑ । यम् । का॒मये॑त् । कनी॑यः । अ॒स्य । अन्न॑म् ।

42 TS 5.7.10.3

TS 5.7.10.3

Samhita Paata

स्यादिति॑ सं॒तरां॑ तस्य॑ प॒शुशी॒रू॒षाण्युप॑ द॒द्व्यात् क॑नीय॑ ए॒वास्यान्नं॑ भवति॑ यं का॒मये॑त सु॒माव॑दु॒-
स्यान्नं॑ स्या॒दिति॑ म॒द्व्यत॑स्तस्योप॑ द॒द्व्यात् सु॒माव॑दे॒वास्यान्नं॑ भवति॑ यं का॒मये॑त भूयो॒ऽस्याऽन्नं॑
स्या॒दित्यन्ते॑षु तस्य॑ व्यु॒दूह्योप॑ द॒द्व्यादन्त॑त ए॒वास्मा॒ अन्न॑मव॑ रुन्धे॑ भूयो॒ऽस्यान्नं॑ भवति॑ () ॥

Pada Paata

स्यात् । इति॑ । सं॒तरामि॑ति सं - त॒राम् । तस्य॑ । प॒शुशी॒रू॒षाणीति॑ प॒शु - शी॒रू॒षाणि॑ ।
उपेति॑ । द॒द्व्यात् । क॑नीयः । ए॒व । अ॒स्य । अ॒न्नम् । भ॒वति॑ । यम् । का॒मये॑त ।
सु॒माव॑त् । अ॒स्य । अ॒न्नम् । स्यात् । इति॑ । म॒द्व्यतः॑ । तस्य॑ । उपेति॑ । द॒द्व्यात् ।
सु॒माव॑त् । ए॒व । अ॒स्य । अ॒न्नम् । भ॒वति॑ । यम् । का॒मये॑त । भूयः॑ । अ॒स्य । अ॒-
न्नम् । स्यात् । इति॑ । अन्ते॑षु । तस्य॑ । व्यु॒दूह्येति॑ वि - उ॒दूह्य॑ । उपेति॑ । द॒द्व्यात् ।
अ॒न्तः । ए॒व । अ॒स्मै । अ॒न्नम् । अ॒वेति॑ । रुन्धे॑ । भूयः॑ । अ॒स्य । अ॒न्नम् । भ॒वति॑ () ॥

43 TS 5.7.11.1

TS 5.7.11.1

Samhita Paata

स्ते॒गान् द॒ष्ट्रा॑भ्यां म॒ण्डू॑कान् ज॒भ्ये॑भिराद॒कां-खा॒देनो॑र्ज॒ः स॒ः सू॒देना॑ऽर॒ण्यं जा॑न्बीलेन॒ मृदं॑ ब॒र्स्वे॑भिः
शर्क॑राभिरव॒का॒मव॑काभिः शर्क॑रामु॒त्सा॒देन॑ जि॒ह्वा॒मव॑क्र॒न्देन॑ तालुः॒ सर॑स्वतीं जिह्वा॒ग्रेण॑ ॥

Pada Paata

स्ते॒गान् । द॒ष्ट्रा॑भ्याम् । म॒ण्डू॑कान् । ज॒भ्ये॑भिः । आ॒द॒का॒म् । खा॒दे॒नं । ऊ॒र्ज॑म् । स॒ः सू॒दे॒नेति॑
सं-सू॒दे॒नं । अ॒र॒ण्य॑म् । जा॑न्बी॒लेन॑ । मृ॒द॑म् । ब॒र्स्वे॑भिः । शर्क॑राभिः । अ॒व॒का॒म् । अ॒व॒का॒भिः
। शर्क॑राम् । उ॒त्सा॒दे॒नेत्यु॑त् - सा॒दे॒नं । जि॒ह्वा॒म् । अ॒व॒क्र॒न्दे॒नेत्य॑व - क्र॒न्दे॒नं । तालु॑म् ।
सर॑स्वतीम् । जिह्वा॒ग्रे॒णेति॑ जिह्वा - अ॒ग्रेण॑ ॥

44 TS 5.7.12.1

TS 5.7.12.1

Samhita Paata

वाजः॒ हनू॑भ्याम॒प आ॒स्ये॑नाऽऽ*दि॒त्या-ञ्छ॑मश्रु॒भि-रु॒पया॑म-म॒धरे॑णोष्ठेन॒ सदु॑त्तरे॒णान्त॑रेणा-नू॒का॒शं प्रे॒-
का॒शेन॑ बाह्यः॒ स्तन॑यित्तुं निर्बा॒धेन॑ सू॒र्या॒ग्नी चक्षु॑भ्यां वि॒द्युतौ॑ क॒नान॑काभ्याम॒शानि॑ म॒स्तिष्के॑ण॒ बलं॑
म॒ज्जभिः॑ ॥

Pada Paata

वाज॑म् । हनू॑भ्यामि॒ति ह॑न्तु - भ्या॒म् । अ॒पः । आ॒स्ये॑न । आ॒दि॒त्यान् । श्मश्रु॑भिरि॒ति श्मश्रु॑

- भिः । उप॒या॒ममि॒त्युप॑ - या॒मम् । अध॑रेण । ओ॒ष्ठेन॑ । सत् । उत्त॑रेणे॒त्युत् - त॒रेण॑ ।
 अन्त॑रेण । अ॒नूका॒शमि॒त्यनु॑ - का॒शम् । प्र॒का॒शेनेति॑ प्र - का॒शेन॑ । बा॒ह्यम् । स्त॒न॒यितु॑म् ।
 नि॒र्बा॒धेनेति॑ निः-बा॒धेन॑ । सू॒र्या॒ग्नी इति॑ सू॒र्य-अ॒ग्नी । चक्षु॑भ्या॒मिति॑ चक्षुः - भ्या॒म् । वि॒द्युता॒वि॒-
 ति॑ वि - द्यु॒तौ । क॒नान॑का॒भ्याम् । अ॒शनि॑म् । म॒स्तिष्के॑ण । ब॒लम् । म॒ज्जभि॑रिति॑ म॒ज्ज - भिः ॥

45 TS 5.7.13.1

TS 5.7.13.1

Samhita Paata

कूर्मा॑-ञ्छ॒फैर॒च्छला॑भिः क॒पिञ्ज॑ला॒न्त्साम॑ कु॒ष्ठिका॑भिर्ज॒वं जङ्घा॑भिर॒गदं॑ जा॒नुभ्यां॑ वी॒र्यं॑ कु॒हाभ्यां॑ भ॒यं
 प्र॑चा॒लाभ्यां॑ गु॒होप॑प॒क्षाभ्यां॑-म॒श्विना॒वः सौ॑भ्या॒मदि॑तिः शी॒र्ष्णा नि॒र॒ऋति॑ नि॒र्जाल॑म॒केन॑ शी॒र्ष्णा ॥

Pada Paata

कूर्मा॑न् । श॒फैः । अ॒च्छला॑भिः । क॒पिञ्ज॑लान् । सामं॑ । कु॒ष्ठिका॑भिः । ज॒वम् । जङ्घा॑भिः
 । अ॒गद॑म् । जा॒नुभ्या॑मिति॑ जा॒नु॒भ्याम् । वी॒र्यम्॑ । कु॒हाभ्या॑म् । भ॒यम् । प्र॑चा॒लाभ्या॑मि॒-
 ति॑ प्र - चा॒लाभ्या॑म् । गु॒हा । उप॑प॒क्षाभ्या॑मि॒त्युप॑ - प॒क्षाभ्या॑म् । अ॒श्विनौ॑ । अ॒सौ॑भ्याम् ।
 अ॒दि॒तिम् । शी॒र्ष्णा । नि॒र॒ऋति॑मिति॑ निः - ऋ॒तिम् । नि॒र्जाल॑म॒केनेति॑ निः-जा॒ल्मके॑न॒ । शी॒र्ष्णा ॥

46 TS 5.7.14.1

TS 5.7.14.1

Samhita Paata

यो॒क्रं गृ॒द्धाभि॑र्यु॒गमा॑न॒तेन॑ चि॒त्तं म॑न्या॒भिः सं॒क्रो॒शान् प्रा॒णैः प्र॑का॒शेन॑ त्वचं॑ प॒राका॒शेना॑न्तरां॑ मु॒शका॑न्
के॒शैरिन्द्र॑ः स्वप॑सा॒ वहे॑न् बृ॒हस्प॑तिः॑ शकु॒निसा॑दे॒न् रथ॑मु॒ष्णिहा॑भिः ॥

Pada Paata

यो॒क्रम् । गृ॒द्धाभिः॑ । यु॒गम् । आ॒न॒ते॒नेत्या॑ - न॒तेन॑ । चि॒त्तम् । म॑न्या॒भिः । स॒क्र॒ः शानि॑तिं
सं - क्रो॒शान् । प्रा॒णैरि॑तिं प्र - अ॒नैः । प्र॒का॒शेने॑तिं प्र - का॒शेन॑ । त्वच॑म् । प॒रा॒का॒शेने॑तिं प॒रा
- का॒शेन॑ । अ॒न्त॒रा॒म् । मु॒शका॑न् । के॒शैः । इन्द्र॑म् । स्वप॑सेतिं सु - अप॑सा । वहे॑न् ।
बृ॒हस्प॑तिम् । शकु॒निसा॑देनेतिं शकु॒नि - सा॑देनं । रथ॑म् । उ॒ष्णिहा॑भिः ॥

47 TS 5.7.15.1

TS 5.7.15.1

Samhita Paata

मि॒त्रावरु॑णौ श्रो॒णीभ्या॑मिन्द्रा॒ग्नी शि॑ख॒ण्डाभ्या॑-मिन्द्रा॒बृह॑स्पती॑ ऊ॒रुभ्या॑मिन्द्रा॒विष्णू॑ अ॒ष्टीव॑द्भ्याः॑ सवि॒-
ता॒रं पु॒च्छेन॑ गन्ध॒र्वाञ्छे॑पेना॒-फ॒स॒रसो॑ मु॒ष्काभ्या॑ पव॑मानं पा॒युना॑ प॒वित्रं॑ पो॒त्राभ्या॑मा॒क्रमे॑णः॑ स्थू॒राभ्या॑

प्रतिक्रमणं कुष्ठाभ्यां ॥

Pada Paata

मित्रावरुणाविति मित्रा - वरुणौ । श्रोणीभ्यामिति श्रोणि - भ्याम् । इन्द्राग्नी इतीन्द्र - अग्नी ।
शिखण्डाभ्याम् । इन्द्राबृहस्पती इतीन्द्रा - बृहस्पती । ऊरुभ्यामित्युरु - भ्याम् । इन्द्राविष्णू
इतीन्द्रा - विष्णू । अष्टीवद्भ्यामित्यष्टीवत् - भ्याम् । सवितारम् । पुच्छेन । गन्धर्वान् । शेषेन
। अफसरसः । मुष्काभ्याम् । पवमानम् । पायुनां । पवित्रम् । पोत्राभ्याम् । आक्रमणमित्या
- क्रमणम् । स्थूराभ्याम् । प्रतिक्रमणमिति प्रति - क्रमणम् । कुष्ठाभ्याम् ॥

48 TS 5.7.16.1

TS 5.7.16.1

Samhita Paata

इन्द्रस्य क्रोडो ऽदित्यै पाजस्यं दिशां जत्रवो जीमूतान् हृदयौपशाभ्यामन्तरिक्षं पुरितता नभ उदु-
र्येणेन्द्राणीं प्लीहा वल्मीकान् क्लोम्ना गिरीन् प्लाशिभिः समुद्रमुदरेण वैश्वानरं भस्मना ॥

Pada Paata

इन्द्रस्य । क्रोडः । अदित्यै । पाजस्यम् । दिशाम् । जत्रवः । जीमूतान् । हृदयौपशाभ्यामिति
हृदय - औपशाभ्याम् । अन्तरिक्षम् । पुरिततां । नभः । उदुर्येण । इन्द्राणीम् । प्लीहा । वल्मी-

कान् । क्लो॒म्ना । गि॒रीन् । प्ला॒शिभि॒रिति॑ प्ला॒शि-भिः । स॒मु॒द्रम् । उ॒दरे॑ण । वै॒श्वान॒रम् । भस्म॑ना ॥

49 TS 5.7.17.1

TS 5.7.17.1

Samhita Paata

पू॒ष्णो व॑नि॒ष्ठुर॑न्धा॒हेः स्थू॑र॒गु॒दा सर्पा॑न् गु॒दाभि॑र॒ ऋ॒तून् पृ॒ष्टीभि॑र्दिवं॑ पृ॒ष्ठेन॑ वसू॑नां प्रथ॒मा की॑क॒सा रु॒द्राणां॑ द्वि॒तीयां॑ ऽऽदि॒त्यानां॑ तृ॒तीया ऽङ्गि॑रसां चतु॒र्थी सा॒द्भ्यानां॑ पञ्च॒मी वि॒श्वेषां॑ दे॒वानां॑ ष॒ष्ठी ॥

Pada Paata

पू॒ष्णः । व॒नि॒ष्ठुः । अ॒न्धा॒हेरि॒त्य॑न्ध-अ॒हेः । स्थू॑र॒गु॒देति॑ स्थू॒र - गु॒दा । सर्पा॑न् । गु॒दाभिः॑ । ऋ॒तून् । पृ॒ष्टीभि॑रिति॑ पृ॒ष्टि - भिः । दि॒वम् । पृ॒ष्ठेन॑ । वसू॑नाम् । प्रथ॒मा । की॑क॒सा । रु॒द्राणां॑म् । द्वि॒तीयां॑ । आ॒दि॒त्यानां॑म् । तृ॒तीयां॑ । अ॒ङ्गि॑रसाम् । चतु॒र्थी । सा॒द्भ्यानां॑म् । पञ्च॒मी । वि॒श्वेषा॑म् । दे॒वानां॑म् । ष॒ष्ठी ॥

50 TS 5.7.18.1

TS 5.7.18.1

Samhita Paata

ओजो॑ ग्री॒वाभि॑र-नि॒र॒ऋ॒तिम॑स्थभि॒रिन्द्रः॑ स्वप॑सा॒ वहे॑न रु॒द्रस्य॑ वि॒च॒लः स्क्न्धो॑ ऽहो॒रात्रयो॑र्द्वितीयो॑
 ऽर्द्धमा॒सानां॑ तृतीयो॑ मा॒सां च॑तुर्थ ऋ॒तूनां॑ पञ्चमः सँव॑त्सरस्य॑ ष॒ष्ठः ॥

Pada Paata

ओजः॑ । ग्री॒वाभिः॑ । नि॒र॒ऋ॒तिमि॑ति निः-ऋ॒तिम् । अ॒स्थभि॑रित्य॒स्थ-भिः॑ । इन्द्र॑म् । स्वप॑सेति
 सु - अप॑सा । वहे॑न । रु॒द्रस्य॑ । वि॒च॒ल इति॑ वि - च॒लः । स्क्न्धः॑ । अ॒हो॒रात्रयो॑रित्य॒हः -
 रा॒त्रयोः॑ । द्वितीयः॑ । अ॒र्द्धमा॒सानामि॑त्य॒र्द्ध - मा॒सानां॑म् । तृतीयः॑ । मा॒साम् । च॒तुर्थः॑ ।
 ऋ॒तूनाम् । पञ्चमः॑ । सँव॑त्सरस्येति॑ सं - व॒त्सरस्य॑ । ष॒ष्ठः ॥

51 TS 5.7.19.1

TS 5.7.19.1

Samhita Paata

आ॒न॒न्दं न॒न्दथु॑ना॒ कामं॑ प्र॒त्यासा॑भ्यां भ॒यः शि॑तीम॒भ्यां प्र॒शिषं॑ प्र॒शासा॑भ्यां सूर्या॑चन्द्रमसौ वृ॒क्या॑-
 भ्यां श्याम॑शब॒लौ मत॑स्त्राभ्यां व्यु॑ष्टिः रू॒पेण॑ नि॒मु॒क्तिम॑रूपेण ॥

Pada Paata

आ॒न॒न्दमित्या॑ - न॒न्दम् । न॒न्दथु॑ना । कामं॑म् । प्र॒त्यासा॑भ्यामि॒तिं प्रति॑ - आ॒साभ्यां॑म् । भ॒यम्
 । शि॑तीम॒भ्यामि॒तिं शि॑तीम - भ्या॒म् । प्र॒शिषमि॒तिं प्र॑ - शिषं॑म् । प्र॒शासा॑भ्यामि॒तिं प्र॑ - शा॒-

साभ्याम् । सूर्याचन्द्रमसाविति सूर्या - चन्द्रमसौ । वृक्याभ्याम् । श्यामशबलाविति श्याम -
शबलौ । मतस्नाभ्याम् । व्युष्टिमिति वि-उष्टिम् । रूपेण । निमुक्तिमिति नि-मुक्तिम् । अरूपेण ॥

52 TS 5.7.20.1

TS 5.7.20.1

Samhita Paata

अहर्मासेन रात्रिं पीवसाऽपो यूषेण घृतं रसेन श्यामवसया दूषीकाभिर्हृदुनि-मश्रुभिः पृष्वां दिवः
रूपेण नक्षत्राणि प्रतिरूपेण पृथिवीं चर्मणा छवीं छव्यो पाकृताय स्वाहा ऽऽलब्धाय स्वाहा हुताय
स्वाहा ॥

Pada Paata

अहः । मासेन । रात्रिम् । पीवसा । अपः । यूषेण । घृतम् । रसेन । श्याम् । वसया
। दूषीकाभिः । हृदुनिम् । अश्रुभिरित्यश्रु - भिः । पृष्वांम् । दिवम् । रूपेण । नक्षत्राणि
। प्रतिरूपेणेति प्रति - रूपेण । पृथिवीम् । चर्मणा । छवीम् । छव्यौ । उपाकृतायेत्युप -
आकृताय । स्वाहा । आलब्धायेत्या - लब्धाय । स्वाहा । हुताय । स्वाहा ॥

53 TS 5.7.21.1

TS 5.7.21.1

Samhita Paata

अ॒ग्नेः प॑क्षतिः सर॑स्वत्यै नि॒प॑क्षतिः सोम॑स्य तृ॒तीया॑ऽपां च॑तु॒र्थ्योष॑धीनां पञ्च॑मी स॑व॒त्सर॑स्य ष॒ष्ठी म॑रुता॑ः सप्त॑मी बृ॒हस्प॑तेर॒ष्टमी मि॒त्रस्य॑ न॒वमी वरु॑णस्य द॒शमीन्द्र॑स्यैकाद॒शी वि॒श्वेषां॑ दे॒वानां॑ द्वा॒दशी द्यावा॑पृ॒थिव्योः पा॒र्श्वं य॒मस्य॑ पा॒टूरः ॥

Pada Paata

अ॒ग्नेः । प॑क्षतिः । सर॑स्वत्यै । नि॒प॑क्षतिरिति नि॒प॑क्षतिः । सोम॑स्य । तृ॒तीया॑ । अ॒पाम् । च॑तु॒र्थी । ओष॑धीनाम् । पञ्च॑मी । स॑व॒त्सर॑स्येति सं - व॒त्सर॑स्य । ष॒ष्ठी । म॑रुता॑म् । सप्त॑मी । बृ॒हस्प॑तेः । अ॒ष्टमी । मि॒त्रस्य॑ । न॒वमी । वरु॑णस्य । द॒शमी । इन्द्र॑स्य । ए॒का॒दशी । वि॒श्वेषाम् । दे॒वानां॑ । द्वा॒दशी । द्यावा॑पृ॒थिव्योरिति द्यावा॑-पृ॒थिव्योः । पा॒र्श्वम् । य॒मस्य॑ । पा॒टूरः ॥

54 TS 5.7.22.1

TS 5.7.22.1

Samhita Paata

वा॒योः प॑क्षतिः सर॑स्वतो नि॒प॑क्षति-श्चन्द्र॑म॑स-स्तृ॒तीया॑ नक्ष॑त्राणां चतु॒र्थी सं॒वितुः॑ प॑ञ्चमी रु॒द्रस्य॑ ष॒ष्ठी

स॒र्पाणां॑ स॒प्त॒म्य॒र्य॒म्णोऽष्ट॑मी त्वष्टु॑र्न॒व॒मी धा॒तुर्द॑श॒मीन्द्रा॑ण्या ए॒काद॑श्यदि॒त्यै द्वा॒द॒शी द्यावा॑पृथि॒व्योः
पा॒र्श्व॒य॒म्यै पा॒टूरः ॥

Pada Paata

वा॒योः । प॒क्ष॒तिः । सर॑स्वतः । नि॒प॒क्ष॒ति॒रिति॑ नि - प॒क्ष॒तिः । च॒न्द्रम॑सः । तृ॒तीया॑ । नक्ष॑त्राणाम्
। च॒तु॒र्थी । स॒वि॒तुः । प॒ञ्च॒मी । रु॒द्रस्य॑ । ष॒ष्ठी । स॒र्पाणा॑म् । स॒प्त॒मी । अ॒र्य॒म्णः । अ॒ष्ट॒मी
। त्वष्टुः॑ । न॒व॒मी । धा॒तुः । द॒श॒मी । इन्द्रा॑ण्याः । ए॒का॒द॒शी । अदि॑त्यै । द्वा॒द॒शी ।
द्यावा॑पृथि॒व्योरिति॑ द्यावा॑ - पृथि॒व्योः । पा॒र्श्वम् । य॒म्यै । पा॒टूरः ॥

55 TS 5.7.23.1

TS 5.7.23.1

Samhita Paata

पन्था॑म॒नू॒वृग्भ्या॑ संत॑तिः स्ना॒व॒न्या॑भ्याः शुका॑न् पि॒त्तेन॑ हरि॒माणं॑ य॒क्रा हली॑क्ष्णान् पाप॒वा॒तेन॑ कू॒श्मा-
ञ्छक॑भिः श॒व॒र्तानू॑व॒द्धये॑न् शु॒नो वि॑शस॒नेन॑ स॒र्पान् लो॑हित॒ग॒न्धेन॑ वया॑सि प॒क्वग॒न्धेन॑ पि॒पीलि॑काः
प्रशा॑देन॑ ॥

Pada Paata

पन्था॑म् । अ॒नू॒वृग्भ्या॑मि॒त्य॑नू॒वृक् - भ्या॑म् । संत॑तिमि॒ति सं॒त॒तिम् । स्ना॒व॒न्या॑भ्याम् । शुका॑न्

। पि॒त्तेन॑ । ह॒रि॒माण॑म् । य॒क्रा । ह॒ली॒क्ष्णान् । पा॒प॒वा॒तेनेति॑ पाप - वा॒तेन॑ । कू॒श्मान् ।
 श॒क॑भि॒रिति॑ श॒क॑ - भिः । श॒व॒र्तान् । ऊ॒व॑द्व॒येन । शु॒नः । वि॒श॒स॑ने॒नेति॑ वि - श॒स॑नेन । सु॒र्पान्
 । लो॒हि॒त॒ग॒न्धेनेति॑ लोहित - ग॒न्धेन॑ । व॒या॑ऽसि । प॒क्क॒ग॒न्धेनेति॑ प॒क्क॒ - ग॒न्धेन॑ । पि॒पी॒लि॒काः ।
 प्र॒शा॒देनेति॑ प्र - शा॒देन॑ ॥

56 TS 5.7.24.1

TS 5.7.24.1

Samhita Paata

क्र॒मैर॒त्य॑क्र॒मीद्वा॒जी वि॒श्वैर्दे॒वैर्य॒ज्ञियैः॑ सँ॒वि॒दानः॑ । स॒ नो॑ न॒य सु॒कृ॒तस्य॑ लो॒कं तस्य॑ ते व॒यः॑ स्व॒धया॑
 म॒देम॑ ॥

Pada Paata

क्र॒मैः॑ । अ॒तीति॑ । अ॒क्र॒मीत् । वा॒जी । वि॒श्वैः॑ । दे॒वैः । य॒ज्ञियैः॑ । सँ॒वि॒दान॑ इति॑ सं -
 वि॒दानः॑ ॥ सः । नः । न॒य । सु॒कृ॒तस्येति॑ सु - कृ॒तस्य॑ । लो॒कम् । तस्य॑ । ते । व॒यम् ।
 स्व॒धयेति॑ स्व॒धया॑ । म॒देम् ॥

57 TS 5.7.25.1

TS 5.7.25.1

Samhita Paata

द्यौस्ते॑ पृ॒ष्ठं पृ॒थि॒वी सु॒धस्थ॑मा॒त्मान्तरि॑क्षः॒ समु॒द्रो योनिः॑ सूर्यस्ते॑ चक्षु॒र्वातः॑ प्रा॒णश्चन्द्र॑माः श्रोत्रं॑ मा॒सा॑श्चा॒र्द्धमा॒साश्च॑ प॒र्वाण्य॑तवो॒ङ्गानि॑ सँव॒त्सरो म॑हिमा ॥

Pada Paata

द्यौः । ते । पृ॒ष्ठम् । पृ॒थि॒वी । सु॒धस्थ॑मि॒तिं सु॒ध - स्थ॑म् । आ॒त्मा । अ॒न्तरि॑क्षम् । सु॒मु॒द्रः । योनिः॑ । सूर्यः॑ । ते । चक्षुः॑ । वा॒तः । प्रा॒ण इति॑ प्र - अ॒नः । च॒न्द्रमाः॑ । श्रोत्र॑म् । मा॒साः॑ । च । अ॒र्द्धमा॒सा इत्य॑र्द्ध - मा॒साः । च । प॒र्वाणि॑ । ऋ॒तवः॑ । अ॒ङ्गानि॑ । सँव॒त्स॒र इति॑ सं - व॒त्स॒रः । म॒हिमा ॥

58 TS 5.7.26.1

TS 5.7.26.1

Samhita Paata

अ॒ग्निः प॒शुरा॑सीत् तेना॑यजन्त॒ स ए॒तं लो॒कम॑जय॒द्-यस्मि॑न्न॒ग्निः स ते॑ लो॒कस्तं॑ जैष्य॒स्यथा॑व॒ जिघ्र॑ वा॒युः प॒शुरा॑सीत् तेना॑यजन्त॒ स ए॒तं लो॒कम॑जय॒द्-यस्मि॑न् वा॒युः स ते॑ लो॒कस्तस्मा॑त् त्वा॒ऽन्तरे॑ष्यामि॒

यदि नावृजिघ्नस्यादित्यः पशुरासीत् तेनायजन्त स एतं लोकमजयद् यस्मिं -()-न्नादित्यः स ते लोकस्तं जेष्यसि यद्यवृजिघ्नसि ॥

Pada Paata

अग्निः । पशुः । आसीत् । तेन । अयजन्त । सः । एतम् । लोकम् । अजयत् । यस्मिन्
 । अग्निः । सः । ते । लोकः । तम् । जेष्यसि । अथ । अवेति । जिघ्र । वायुः । पशुः ।
 आसीत् । तेन । अयजन्त । सः । एतम् । लोकम् । अजयत् । यस्मिन् । वायुः । सः ।
 ते । लोकः । तस्मात् । त्वा । अन्तः । एष्यामि । यदि । न । अवृजिघ्नसीत्येव-जिघ्नसि ।
 आदित्यः । पशुः । आसीत् । तेन । अयजन्त । सः । एतम् । लोकम् । अजयत् । यस्मिन्
 () । आदित्यः । सः । ते । लोकः । तम् । जेष्यसि । यदि । अवृजिघ्नसीत्येव - जिघ्नसि ॥